



18
19
20
21
22
23
24
25
26
27
28
29
30
31
32
33
34
35
36
37
38
39
40

古130
834.1
和-56





金石萃編卷一百三十六

賜進士出身 誥授光祿大夫刑部右侍郎加七級王昶撰

宋十四


畫錦堂記

碑高八尺八寸六分廣四尺八寸四分十八行行三十九字正書篆額在安陽縣

端明殿學士尚書禮部侍郎蔡襄書丹

尚書刑部郎中知制誥邵必題額

仕宦而至將相富貴而歸故鄉此人情之所榮而今昔之所同也蓋士方窮時困阨閭里庸人孺子皆得易而侮之若季子不禮於其嫂買臣見棄於其妻一旦高車



金石萃編卷一百三十六

賜進士出身 誥授光祿大夫刑部右侍郎加七級王昶撰

宋十四

畫錦堂記

碑高八尺八寸六分廣四尺八寸四分十八行行三十九字正書篆額在安陽縣

端明殿學士尚書禮部侍郎蔡襄書丹

尚書刑部郎中知制誥邵必題額

仕宦而至將相富貴而歸故鄉此人情之所榮而今昔之所同也蓋士方窮時困阨間庸人孺子皆得易而侮之若季子不札於其嫂買臣見棄於其妻一旦高車

駟馬旗旄導前而騎卒擁後來道之人相與駢肩彙迹
瞻望咨嗟而所謂庸夫愚婦者奔走駭汗羞媿俯伏以
自悔罪於車塵馬足之間而莫敢仰視此一介之士得
志於當時而意氣之盛昔人比之衣錦之榮者也惟
大丞相衛國公則不然公相人也世有令德為時名卿
自公少時已擢高科登顯仕海內之士聞下風而望餘
光者蓋亦有年矣所謂將相而富貴皆公所宜素有非
如窮阨之人僥幸得志於一時出於庸夫愚婦之不意
以驚駭而夸耀之也然則高牙大纛不足為公榮桓圭
衮冕不足為公貴惟德被生民而功施

社稷勒

之金石播之聲詩以耀後世而垂無窮此公之志而士
亦以此望於公也豈止夸一時而榮一鄉哉公在至和
中嘗以武康之節來治於相乃作畫錦之堂于後圃既
又刻詩於石以遺相人其言以快恩讎矜名譽為可薄
蓋不以昔人之所夸者為榮而以為戒於此見公之視
富貴為如何而其志豈易量哉故能出入將相勤勞

王家而夷險一節至於臨大事決大議垂紳正笏
不動聲氣而措天下於泰山之安可謂

社稷之

臣矣其豐功盛烈所以銘彝鼎而被絃歌者乃邦家之
光非閭里之榮也余雖不獲登公之堂幸嘗竊誦公之

詩樂公之志有成而喜為天下道也於是乎書尙書吏部侍郎叅知政事歐陽脩記

治平二年三月十三日 太子賓客知相州趙良規

立石 潯陽蹇億刊字

蔡君謨妙得古人書法其書畫錦堂每字作一紙擇其不失法度者裁截布列連成碑形當時謂百衲本

故宜勝人也 廣川書跋

畫錦堂在鼓樓西順治間掘地得是碑今移城東南隅祠內端重嚴勁絕類魯公尙有醉白堂記韓魏公

先塋碑惜未寓目 金石續錄

右畫錦堂記文稱大丞相衛國公按韓忠獻於皇祐

中封南陽郡開國公嘉祐中入相進封儀國公英宗

嗣位改衛國公後又改魏國公碑立于治平二年三

月猶稱衛國則魏國之封當在其後宰相表于治平

元年閏五月已書魏國公者誤也此記俗本亦誤作

魏蓋後人不知忠獻嘗封衛公而以意改之耳 潛研堂金

石文跋尾

此宋韓琦以丞相判鄉郡建于居第者也琦第別有

榮歸虛心二堂其後曾孫肖胄守相又建榮事堂襄

字方正為一代絕手此碑尤名于時乃別體不乏寫

功从刀矜从予學書者宜棄其短也 中州金石記

案皇宋書錄學宮刻畫錦堂記相州元刻云書丹而此本聞諸老先生云以墨跡撫於石今碑題蔡襄書丹正與書錄符及覽河朔訪古記云庭西畫錦堂記碑一通至元間再摹而刻已非舊觀矣然碑仍稱書丹與相州元刻合蓋當時必有舊拓本規度於石近時人多以忠惠之跡溢美不容於口故為揭其所自

以昭真賞云 安陽志

按畫錦堂記歐陽脩撰文忠公集與宋文鑑皆載

此記今取以互校有不同者而莫敢仰視歐集無

此五字原注云一有此五字得志於當時集無於

字原注云家本有於字然則高牙大纛集亦作大

纛原注云一作旆不動聲氣集作不作聲色原注

云一作氣此碑與集之不同也昔人比之衣錦之

榮者也文鑑無者字僥幸得志於一時文鑑無一

字蓋不以昔人之所夸者為榮文鑑無之字此碑

與文鑑之不同也魏公以觀文殿學士拜武康軍

節度使知并州久之求知相州嘉祐元年召為三

司使未至迎拜樞密使記所謂公在至和中嘗以

武康之節來治於相乃作畫錦之堂于後圃計其

時當卽在至和元年至嘉祐元年卽內召矣其後以嘉祐六年閏八月遷昭文館大學士監修國史封儀國公至嘉祐八年四月進封衛國公歐公亦以嘉祐六年閏八月除參知政事蓋同知政府兩年始作此記記後又兩年相人始刻于石也書丹者蔡襄史傳但載其乞爲杭州拜端明殿學士以往不言其官尙書禮部侍郎東都事略則云襄召拜翰林學士三司使英宗親政數問大臣襄如何人因襄數請告英宗曰三司事務繁多襄久在病告何不更用人後夏人犯邊又曰軍須未備三司

當擇人襄聞之不自安遂求知杭州卽拜端明殿

學士遷禮部侍郎知杭州此碑系銜無知杭州字

則書此碑當在治平元年未知杭州以前矣篆額

者邵必史附邵亢傳亢之從父

墨池編云
餽之族

丹陽人

字不疑舉進士爲上元主簿國子監立石經必

今本

宋史此下
皆作餽

善篆隸召充直講選爲唐書編修官累

爲京西轉運使入修起居注知制誥碑系銜有尙

書刑部郎中則傳所略書畫跋跋謂刻碑須書丹

乃神若係百衲不知若何入石如用朱填則益失

眞云云可知明時上石不知用雙鈎之法也若如

金石錄卷一百三十一
今時就墨跡上用墨筆雙鈎再用朱筆描其背由
是上石不致失真且于墨本不損雖百納無傷矣
惟字經百納則有雜湊之迹而失顧盼之神未爲

佳耳

宋球玉華山詩

石橫廣四尺七寸五分高二尺五寸七分
二十九行行十七字正書在鄜州宜君縣

留題玉華山詩

西河莫上之書

太常博士簽書坊州判官事矣球

玉華山

玉華山來自何處巉巖拔立陵紫煙上有干雲切霄之
蒼松下有迸崖漱壑之清泉長河西來齧山足燐火白
日明峯巔浮嵐暖翠入窓戶六月殿閣風冷然我來豈
暇弔古迹俛仰但喜遺躑喧心魂澄澈耳目醒如脫世
故遊神僊平明却入俗塵去回首煙蘿羞滿顏

玉華寺

一逕入雲壑遊人高下行綠蘿垂紺幃屏壁削層城山
氣蒸衣濕松風灑面清野僧遺萬事飽聽石泉聲

次韻奉和

國子博士知坊州軍州事張道宗

玉華山

玉華山形鬱岿嶂白晝莽蒼常生煙近村百家濕翠黛
陰崖千尺淙寒泉山根宛轉抱河曲河流倒影浸碧巔
文皇性熱不奈暑當時宮此安徒然得非遍選天下勝
莫如茲地無煩喧暫遊已駭非俗骨久駐直恐成真仙
何當借得神畫筆霜絹十幅圖孱顏

玉華寺

殿閣依山古尋春閑客行誰知唐帝館今在梵王城禾
黍傷時變松篁入夜清惟餘碧巖溜依舊昔年聲

治平三年四月一日文林郎試祕書省校書郎守宜

君縣尉兼主簿張詢立石 鄜州李玉鐫

宮在縣西三十里唐書地理志貞觀二十五年置玉
華宮宮在縣北四里鳳皇谷永徽四年廢為寺舊云
縣有玉華山宮以山名據此知山實以宮名也金於
此置玉華鎮書史會要漢上之字冠卿西河人楷書

師歐陽率更

關中金
石記

張岫玉華山詩

石橫廣三尺三寸五分高二尺
一寸十五行行十四字正書

玉華山詩

著作佐郎熒陽張岫子堅

河東翼上之書

玉華山誰窮遠近百里迴旋勢方盡削成蒼玉倚青天
氣象軒軒獨奇俊黃河哮颯摧崑崙一峯飄落如龍蹲
白雲低垂半巖腹茫茫日輪平地奔驚湍瀑流飛辟歷
松根巉巖裂石壁洞門晝閉不知深仙人瓊漿滿杯碧
飢麗啼煙猿嘯風子規聲哀愁滿容山鳥嚶嚶繞喬木
唯有黃鸝鳴嚙嚙翠華迢迢來避暑飄然陵雲欲輕舉
當時此地最清涼九成翠微不足數玉鞘聲斷宮殿閑
大龍飛去騎難攀川巒如舊人事變但見明月留空山

治平丙午五月望

游玉華山記

石橫廣四尺一寸五分高二尺七寸五分三十四行行二十四字正書

繇宜君縣西南行四十里有山夾道而來者玉華也其
南曰野火谷有石常然望之如爨煙而莫知其所自也
野火之西曰鳳皇谷則唐置宮之故地也蓋其初有九
殿五門而可記其名與處者六其正殿爲玉華其上爲
排雲又其上爲慶雲其正門爲南風南風之東爲太子
之居其殿曰耀和門曰嘉禮知其名而失其處者一曰
金鷄門也今其尺垣隻瓦無有存者過而覽之但見野
田荒草而榛荆也其西曰珊瑚谷蓋嘗有別殿在焉珊

五石夫編卷一百三十一
瑚之北曰蘭芝谷昔太宗詔沙門元奘者譯經於此其始曰肅成殿後廢而爲寺云中有石巖嶄然有成下有鑿室可容數十人有泉懸焉勢若飛雨有松十八環其側皆生石上高可十尋端如植筆其西且南有崖曰駐鑿其始入也雙壁屹然如削石而成既至其處若視甕側有泉飛而下如懸布如噴珠其名曰水簾稍北有崖與泉亦若是而差小焉治平三年夏五月丁巳余與六人者來游乃相與坐石蔭松聽泉而飲之已而覽故宮以衰稟問遺事於田老方囂然不欲歸而余與六人者或有官守或有事牽其勢不可久留既宿而遂去然而

相視有不足之色余爲之言曰夫山林泉石之樂奇偉之游常在乎窮僻之處而去人迹甚遠故必爲野僧方士與夫幽潛之人所據而有也然幽潛之人知好之而力不足以營之惟佛老之說可以動人故其徒常獨有力而危亭廣廈眺覽之娛莫不爲其所先也夫以有唐之盛窮天下之富建宮於此隨而廢沒而杜甫乃其時人過之且有悲傷之感至或形於歌詩獨寺僧之徒更相傳而不息迄于今而尙存則雖天下之力亦有屈於此歟以太宗之賢致治之美宜其愈久而彌傳也今聞諸遺老無所稱道而彼元奘者特一浮屠耳然說者至

爲荒怪難知之語以增大其事豈人之情常樂於放僻而易忘於中正哉又豈物之盛衰廢興亦各有時而此特其盛時也歟斯可爲之歎息也若夫太宗之賢天下之力猶不能長有此也則吾曹可以一寓目而足矣又何必以不久留爲恨哉然荒崖窮谷之崎危發宮頽址之蕭條雖累歲月未嘗有一二人遊焉而余與六人者同時而來亦可謂之盛哉六人者余兄子堅弟崕與太原石繼和公美河東郎几康伯溫陵陳說君豫西河冀上之冠卿也王申熒陽張縉子望記上之書 李玉鐫

按元一統志玉華山在宜君縣西南四十里有唐

建玉華宮宋雍熙初於此獲一角獸時以爲麟又野火山在縣西南七十里卽碑所謂野火谷也碑又云野火之西曰鳳皇谷則唐置宮之故地也其西曰珊瑚谷蓋嘗有別殿在焉珊瑚之北曰蘭芝谷沙門元奘譯經於此宜君縣志蘭芝谷在縣西五十里嘗產蘭芝故名鳳皇谷在縣西南五十里昔有五色雀見于此元奘譯經已詳唐碑聖教序跋茲不贅玉華宮制度見冊府元龜已詳前卷惟碑所稱其殿曰耀和冊府元龜曰暉和爲異唐書地理志宮在坊州宜君縣北四里此碑則云宜君

縣西南四十里爲玉華山其南曰野火谷谷西曰鳳皇谷唐宮之故地則與唐書云縣北四里者不合疑唐時縣治別也宜君縣唐屬坊州今因元明之舊屬鄜州撰記者張縉字子望前碑作詩者張岫字子堅其兄也皆滎陽人無傳可攷前詩作于治平丙午五月望蓋三年也此碑以治平三年五月丁巳來遊壬申作記距遊之後十六日矣據遼史朔考是月甲寅朔初四日丁巳十九日壬申是作記在作詩之後四日也

浯溪題記十九段

石橫廣一尺八寸七分高一尺四寸八行行六字隸書在永州府祁陽縣

湖南轉運判官毛田郎中沈紳治平四年承春丙子訪浯谿元子次山故居讀中興頌峿臺中堂右堂三銘澹琬侍行

又石高二尺二寸八分廣一尺六寸八分五行行八字正書

宋昭邈遵道李公度唐輔張處厚德甫徐驥及之鞏固固道周漸彥井同遊浯溪熙寧二年十月二日

又石高二尺七寸五分廣一尺五寸八分四行行十字正書

浯溪

熙寧六年癸丑十月十九日尙書都官員外郎通判永

州柳應辰全家遊此

又二行行十
五字行書

予自上元促運江上至是凡十過此時元祐丁卯孟夏

中休頰水陳宏公遠記

又橫廣一尺六寸高七
寸六行行二字正書

會稽蔚宗登此熙寧甲寅正月

又橫廣一尺九寸六分高一
尺四寸九行行六字行書

胡羯自干紀唐綱竟不維可憐德業淺有愧此碑詞

米黻南官五年求便養得長沙掾熙寧八年十月望經

浯溪

攷元章生於皇祐辛卯至是纔二十五歲筆力縱勁

小技亦由天授也潛研堂金
石支跋尾

又橫廣一尺五寸五分高一尺
四寸五分七行行五字正書

不能歌不能吟瀟湘江頭千古心全家來游七日而去

熙寧丙辰歲柳應辰書

又石高一尺九寸一分廣一尺七
寸九分六行行六字左行行書

陶輔佐臣子遵梁立儀定國子格之同遊黃竦子莊期

而未至元豐四年辛酉口月壬戌日題

又石橫廣三尺一寸高二尺七
寸五分九行行八字行書

會稽錢岳紹聖二年八月十一日過永州祁陽縣觀顏

魯公所書元次山撰唐中興頌磨崖碑同明府陳行通
中宮寺新禪師登唐亭晤臺游浯溪遂汎舟清湘自衡
潭北歸都下識之

又石高二尺八寸廣二尺
一寸五行行七字行書

宛亭蓋土口罷守零陵道口浯溪因率邑令戴孚中儒
林同遊時大觀庚寅仲夏廿三日題

又石橫廣三尺五寸高一尺
五寸七行行四字行書

白雲居士李伯魚自清湘北歸携家遊浯溪大觀庚寅
孟秋十八日題

又石高二尺九寸五分廣一尺四寸三
篆字書中間餘字正書分寫兩旁

齋相盪

河口薛公度施口浯溪寺口奉無相大士紹興二年
月望日

又石高一尺六寸五分廣一尺
三寸五分五行行十字隸書

河間劉堯自紹興戊辰得官茲邑迄丁丑歲三來于此
竟未能去十載之間奔馳往返江山如故每一登覽重
增感慨云季夏七日

又石橫廣二尺高一尺四寸
五分六行行七字正書

河內李元老被命假守清湘挈家來游紹興戊寅中
冬十六日書男耆明耆厚耆勲壻鄭种侍行

又石橫廣一尺八寸高一尺五寸五分八行行九字行書

開封趙彥櫛被命持節廣右道由浯溪拭目中興磨

崖碑頌遐想元顏二公風烈徘徊久之三歎而退時嘉

泰甲子季秋二十日客晉陵馮祖德同遊男炬夫焯夫

侍住山妙應上石

又石高三尺廣二尺四寸六行行九字正書

趙必愿假守清湘道出浯溪拜二公之祠敬觀先

君吏部遺刻整整一紀歲月易流不昧感慨竹洲洪口

成同行寶慶丁亥四月三日

又石高一尺三寸二分廣一尺一寸七行行七字正書

壽沙凌攀龍因省兄宰浯溪以淳祐庚戌仲冬六日携

子斯義同藍田子九江柯鏊銓鑰金歷陽丁必達來遊

口三吾主人慧圓

又石高三尺廣二尺三寸八分五行行七入字不等正書

咸淳戊辰中稔京兆楊履順借廬陵周士模寶峯胡興

祖劔門黃晉孫來遊姪口孫子益孫侍

又石高一尺七寸六分廣七尺六寸六行行八字正書

咸淳辛未重陽桂人唐復赴武安書記泊舟浯溪甥文

益婿蔣棟琴軒唐震之同遊二子寧生庠生從子真玉

次元侍

按浯溪題記十九段綜其姓名得五十一人有可
攷者五人柳應辰見宋詩紀事武陵人寶元元年
進士仕至尙書都官員外郎永州通判容齋五筆
稱浯溪石上有大押字題云押字起於心心之所
記人不能知大宋熙寧十年甲寅歲武陵柳應辰
仍有詩云浯溪石上大江邊心記閑將此地鐫自
有後人來屈指四千六百甲寅年詩意不知所謂
今搨本未見據熙寧丙辰歲所題不能歌不能吟
瀟湘江上千古心與此正相類也此題熙寧六年
癸丑明年卽是甲寅乃熙寧七年容齋作十年者

傳寫誤也會稽蔚宗蔚姓不見於氏族陳繼儒太
平清話有錢塘關蔚宗景仁弟廬州使君也平生
好事多蓄書畫游宦交廣米芾海岳名言又稱其
金陵幔山樓有題榜疑卽其人偶不署姓耳米黻

題五言一絕記云南官五年求便養得長沙掾熙

寧八年十月望經浯溪據史傳米芾字元章吳人

宋詩紀事云襄陽人以母侍宣仁居藩邸舊恩補合光尉歷

知雍邱縣漣水軍太常博士知無爲軍召爲書畫

學博士擢禮部員外郎出知淮陽軍卒是未嘗爲

長沙掾也黃潛筆記云元章自署姓名米或爲芾

芾或爲黻史作米芾此題作米黻無疑卽一人芾
年四十九宋史紀事稱其官淮陽軍在大觀二年
其母嘗侍宣仁后在仁宗末年則芾之官長沙便
養母當在神宗時此題熙寧八年正卽其時也由
大觀二年逆推至熙寧八年約三十餘歲則官長
沙掾不及二十歲年幼官卑史文從略又據潛研
跋謂元章生于皇祐三年辛卯則熙寧八年爲二
十五歲至四十九歲爲元符二年則其官淮陽軍
不應在大觀二年宋史紀事恐誤史傳但云歷知
雍邱縣則長沙掾隳拓于歷知二字中矣宗室傳

趙彥楠字文長悼王七世孫慶元初出知晉陵縣
擢監登聞檢院出知汀州遷廣西提刑入爲戶部
侍郎遷湖廣總領知平江府轉寶謨閣待制卒此
題云被命持節廣右當是遷廣西提刑時也甲子
爲嘉泰四年趙必愿亦宗室也字立夫廣西經略
安撫崇憲之子丁父憂居喪盡禮貽書問學于黃
榦服除差充兩浙運司主管文字再考特差充提
領安邊所主管文字差知全州陛辭乞下道江二
州訪周惇頤之後此題卽其時也云敬觀先君吏
部遺刻者謂其父崇憲安撫廣西時過此留題也

今搨本亦未見丁亥爲寶慶二年餘俱無以

白龍池題記二十一

石高二尺七寸五分廣二尺一寸五分六行行八九字正書

入內供奉官李舜舉被命禱祀帝岳奉香勝槩於

壽聖節日先歛青帝宮次詣白龍潭治平四年題

書吏李恭從行

又石橫廣四尺八寸高三尺四寸五分八行行五字正書

充守劉衮奉詔祈雪于岱宗登絕頂翌日謁白

龍池之祠元祐丁卯孟春初四日奉符令林會題

又七行行二字左行正書

回自百丈泉烹茶鼓琴以終清興

又石高六尺三寸廣一尺四寸二行一十字一八字正書

貫道建欄於此以便遊者元祐丁卯正月八日

又石高三尺四寸五分廣二尺二寸五行行四五字行書

山陽龔蕪黨被漕檄權宰奉高因率兒姪輩遊此元

祐庚午中冬十一日

又石高三尺九寸五分廣二尺四分五行行十一字正書

汴陽元永居士任紹承祖朝嶽罷同青帝觀主楊若

冲遊太平頂回瞻視白龍池聖跡時大宋紹聖三年二

月十五日謹題

又白龍池三大字磨崖橫書下橫廣七尺二寸高二尺七寸又一方橫廣二尺七寸高一尺四寸四行行二字並左行正書

白龍池

德充忠玉國寶文仲紹聖丁丑三月九日

又石高二尺七寸餘廣一尺五寸五分三行行六字正書

范陽正輔再遊同魯國景元至丁丑三月廿六日

又石高二尺七寸廣一尺五寸五分三行行六字五字左行行書

東之丁丑十一月口日遊南正同至

又石高四尺一寸廣二尺三寸三行行七字左行行書

元符庚辰七月晦趙習之徐安國弟居仁孫正仲同遊

又石高二尺七寸五分廣一尺七寸餘四行行五字左行行書

韓存中點檢岳祠修造同王濟之一游庚辰十月廿七日

日

又石高二尺七寸五分廣一尺九寸五分四行行五字六字左行正書

皇甫備徐端朝孫口同游建中靖國元年三月廿六日

題

又石高二尺七寸五分廣一尺九寸五分五行行七字左行正書

奉符令李珪因捕蝗恭謁白龍祠男彙侍行崇寧壬

午孟秋初七日

又石橫廣二尺八寸三分高二尺七寸三分題記二此在右偏四行行七字行書其左偏元康兄題記

瀑觀 董元康政和甲午重九日携家來遊質贄賁侍

行

又 三行行四字六字左行正書

自恭觀元康兄酉字政和乙未孟冬二十日

又 石高二尺七寸三分廣二尺三寸五分四行行六字左行行書

長清董自恭謁 白龍池之祠罷酌泉石上時乙未孟

冬中澣日

又 石高二尺七寸五分廣二尺四寸五行行七字正書

莆陽陳國瑞子玉恭謁 白龍池之祠俯洞酌泉少煎

而邁政和丁酉夏前二日

又 石高二尺七寸三分廣一尺五寸四分四行行六字左行行書

李顯道張公美李仲與張去塵庚子孟夏十九日同遊

池上

又 石高二尺七寸一分廣一尺五寸三分四行行五字左行行書

姜子正子方李晉道劉言可刁文林同來庚子四月

又 石高三尺二寸七分廣二尺二寸七分三行行六字七字左行行書

鄆城李儂弟俊姪贛隨侍遊此癸卯季春廿八日

又 石高二尺七寸廣一尺四寸二行行五字正書

許大希祈雨取水嘗至此

右在嶽西傲來峰下白龍池石壁上平廣記二十餘

金石錄卷一百三十一
文書曰龍潭口白龍池並大字其旁皆宋人題名尙
未刊缺錄之得十五首其文略無重複自治平迄宣
和六十年間人名字亦可以想見當日太平之盛而
金元以降海遭兵火名山奧區委之榛莽無復有題
名者矣

金石文
字記

右刻均在白龍池雙崖對峙南曰三元石北曰元圭
石宋人題刻殆遍顧氏所采十五首皆在北崖之陽
顯而易見者近來錢唐江鳳彝復搜得正書十六首
均在南崖之陰幽暗陡險游跡罕至自熙寧迄政和
內無年月者三首較顧氏所得又過之可見金石彝

求必由好古者親歷其地抉苔剔蘚而得之但憑工
人摹拓所及往往十失五六是可慨矣

金棨泰
山志

按白龍池在岱岳西南麓泰安縣志云白龍池上
有淵濟公祠旱禱輒應宋祥符中封白龍爲淵濟
公建祠于此此題名中所謂白龍祠祈雨取水者
是也題名徧南北兩崖金石文字記得十五段泰
安縣志增補十四段合之得二十九段山左金石
石志所得搨本二十八段泰山志共搜得三十一
段最爲詳備今昶所得搨本祇二十一段餘皆工
人失搨者其文並見諸書所載茲不復補錄從其

實也綜計二十一段之中題名姓氏得四十四人
內但署名而不署姓者八人無從詳攷其餘有可
攷者入內供奉官李舜舉見宋史宦者傳字公輔
開封人世爲內侍曾祖卽神福也仁宗時舜舉出
爲秦鳳路走馬承受英宗立奏事京師此題治平
四年被命禱祀帝岳奉香勝槩於壽聖節日先欵
青帝宮次詣白龍潭英宗本紀帝以正月三日生
卽位之初以生日爲壽聖節治平三年十一月戊
午帝不豫十二月乙未宰相祈于天地宗廟社稷
史雖不言禱于嶽瀆山川據此題必因不豫而禱
祀於帝岳也英宗以四年正月丁巳崩是月庚戌
朔丁巳是初八日在壽聖節後而舜舉之禱祀尙
應壽聖節也徐安國見孟宗寶洞霄詩集號春渚
未詳其貫嘗題一詩于大滌洞而不詳何年未知
與此所題之徐安國卽一人否也刁文叔見宋詩
紀事云不知其名張橫浦子韶之友橫浦心傳錄
載其春日旅中一絕句謂思致尤遠不止工也然
亦未知卽此題之刁文叔否餘俱無攷

溫泉箴

石橫廣二尺八寸四分高二尺七分
十八行行十四字正書在臨潼縣

溫泉箴

唐燕國公張說

虞部員外郎楊方平書丹

東山少連曰元冥氏之子曰壬夫安祝融氏之女曰丁芊俱學水仙是爲溫泉之神焉帝命之救萬靈盪滯結腑藏達膚腠泄下人多賴上帝是崇有飛廉氏之佚女妬之常欲大恩其功故入溫泉必齋以洒心戒以防患恕以利物含生之疾我願除祇二神嘉之吹湯激邪珠連漚累滴汨揚華此其効也若入溫泉僻心穢行惡口淫形居食失節動出躁輕二神醜口不匡人命飛廉佚女以裾斃人是走疰芒風瘍眩齟之病夫有意之醫照合神理無怙之醫身爲慾使莫之益傷之者至矣是以君子慎其微也

治平丁未孟冬朔縣令尹光臣立石

呂義山子居至山子口同趨甘棠趙洋聖謨送別于此就浴溫泉而去元祐戊辰冬十二月十一日

按溫泉在臨潼縣東南驪山下泉上有溫泉宮天寶六載更名華清宮宮有湯井爲池唐帝皆嘗遊幸元宗特侈此箴爲唐張燕公所作至治平丁未縣令尹光臣重刻也丁未爲治平四年書者楊方

平史無傳

義田記

碑二石各高五尺許廣四尺許共三十二行行二十一字正書左下角空處刻文英跋亦正書在蘇州天

平山范文
正公祠

晉陵錢公輔謨

吳興趙雍書

范文正公蘇人也平生好施與擇其親而貧疎而賢者咸施之方貴顯時於其里中買負郭常稔之田千畝號曰義田以養濟羣族族之人日有食歲有衣嫁娶凶葬皆有贍擇族之長而賢者一人主其計而時其出納焉

日食人米一升歲衣人一縑嫁女者錢五十千娶婦者二十千再嫁者三十千再娶者十五千葬者如再嫁之數葬幼者十千族之聚者九十口歲入粳稻八百斛以其所入給其所聚需然有餘而無窮仕而家居俟代者預焉仕而之官者罷其給此其大較也初公之未貴顯也嘗有志於是矣而力未之逮者二十年既而爲西帥以至於叅大政於是始有祿賜之入而終其志公既歿後世子孫至今修其業承其志如公存也公雖位充祿厚而貧終其身歿之日身無以爲斂子無以爲喪惟以施賢活族之仁遺其子而已昔晏平仲弊車羸馬以朝

金不夫續卷一百三十一
陳桓子觴之曰君位之上卿祿之百萬而弊車羸馬是
隱君之賜也晏子曰自臣之貴父之族無不乘車者母
之族無不足於衣食者妻之族無凍餒者齊國之士待
臣而舉火者三百餘家如此爲隱君之賜乎彰君之賜
乎於是齊侯以晏子之觴而觴桓子予嘗愛晏子好仁
齊侯知賢而桓子服義也又愛晏子之仁有等級而言
有次序也先父族次母族次妻族而後及疎遠之賢孟
子曰親親而仁民仁民而愛物晏子爲近之今觀文正
公之義其與晏子比肩矣然晏子之仁止於生前而文
正公之義垂於身後其規模遠舉又疑其過之嗟乎世
之人都三公位享萬鍾祿其邸第之雄輿馬之盛聲色
之侈妻孥之富止乎一已而族之人不得其門而入者
豈少哉況於施賢乎其下爲卿爲大夫爲士而廩稍之
充奉養之庠足乎一已而族之人搯壺瓢爲溝中瘠者
又豈少哉況於賙人乎是皆文正公之罪人也公之忠
義滿朝廷事業滿邊陲功名滿天下後必有良史書之
者予可無書也獨書其義田以警於世云

舊本刻于天平山忠烈廟中有脫簡文英庚午歲任
湖州安定山長求趙文敏公仲穆書此本謹刻于
書院忠厚堂之前庶以永其傳龍集至正庚寅孟秋

七月望日主宗祀八世孫文英識 裔孫伯仁摹勒
 按此碑撰者錢公輔書者趙雍宋史公輔傳字君
 倚常州武進人仁宗朝累官知制誥英宗朝累知
 廣德軍神宗立拜天章閣待制知鄧州復知制誥
 與王安石異議出知江寧府徙揚州以病乞越改
 提舉景福觀卒計其歷官似距文正公卒後二十
 年碑不署銜疑為後人所刪文不著何年所作据
 范忠宣公以義莊規矩奏請于朝劄付蘇州在治
 平元年似公輔撰文亦在是時趙雍為孟頫之子
 元史附見孟頫傳但云子雍以書畫知名不詳其
 歷官元詩選稱雍字仲穆夙慧有父風以蔭守昌
 國海寧一州歷官翰林院待制書譜引陶宗儀云
 官至集賢待制同知湖州路總管府事書史會要
 稱其工真行草篆此碑以庚午歲文正八世孫文
 英任湖州安定山長求仲穆書碑當即仲穆官湖
 州路時庚午為元文宗至順元年書碑後又二十
 年至庚寅歲為順帝至正十年文英乃刻于文正
 公書院之忠厚堂文英跋稱義田記舊本刻于天
 平山忠烈廟中而不詳當時書者何人刻于何年
 天平山之有忠烈廟檢文正公集補編附錄明泰

金石錄卷一百三十六
三
和王直撰重修忠烈廟記稱文正公經畧西鄙西人仰公之德服公之化皆爲公置生祠宣和間宇文虛中爲慶帥言公忠於朝廷其功烈顯於西土至今猶廟祀益虔然廟未有額徽宗命以忠烈名之且爲題其榜凡廟之在西者皆易以新名然蘇猶未有也紹興以來西土皆陷忠烈之廟越在異邦蘇之守令與其士大夫謀曰蘇公故郡也而天平山則公祠墳在焉公之精神必往來乎此乃更作新廟揭忠烈之榜於廟門由是蘇始有忠烈廟歲久廟壞元至元乙酉嗣孫邦瑞士貴復新之此

天平山忠烈廟之緣起也東都事略載慶州賜額忠烈廟在宣和五年至南渡後天平山之建廟未詳何年檢褒賢集載文正公會孫直方記云紹興乙卯自嶺海被召至行闕丙辰春出使至淮上始過平江時義宅已焚毀族人星居村落間一旦會集于墳山散亾之餘尙二千指云云而不言有廟其時紹興四五年間也周必大乾道丁亥汎舟游山錄有云忠烈廟具有文正以下畫像挂壁謁之丁亥爲乾道三年其時已有忠烈廟矣然則廟之建置不越紹興年間義田記初刻當卽在是時其

以趙雍書重刻卽在至元乙酉邦瑞新廟之後所謂龍集至正庚寅者是也然文英跋但云舊刻有脫簡不言凶佚不知趙書刻後舊碑亡于何時也義田之置史傳但言好施予置義莊里中以贍族人不言建置之年忠宣公奏立義莊規條則云臣父仲淹先任資政殿學士日於蘇州吳長兩縣置田十餘頃供給諸房宗族衣食及婚嫁喪葬之用墓誌銘則云公在杭盡以餘俸買田於蘇州號義莊以聚疎屬据年譜公之除資政在慶曆五年知杭州在皇祐元年自資政至知杭州相距五年此

五年中卽置義田之時忠宣之奏在治平元年其

時刊定規矩編類刻石則卽以此時屬公輔撰記

以垂永久可懸揣而得也今此碑始附治平末宋史本傳稱

仲淹居宰相履冰之後其先邠州人也後家江南

遂爲蘇州吳縣人年譜稱公遠祖博士范滂裔孫

履冰爲唐丞相鸞臺鳳閣平章事世居河內四世

祖隋唐咸通十年由良鄉主簿遷處州麗水縣

丞一支渡江中原亂離不克歸子孫遂爲中吳人

蓋義田所贍之族人皆麗水丞之子孫卽直方所

見之二千指亦卽分贍義田之族人也履冰見唐

第三百八十三東魏張烈碑據青州圖經元象元年立

第三百八十四東魏賈思同碑興和二年五月

第三百八十五東魏張阜墓誌興和二年十月

第三百八十六東魏孔子廟碑興和三年十二月

第三百八十七東魏魏蘭根碑興和四年

第三百八十八後魏化政寺石窟銘祀巖造文帝大統七年十二月

第三百八十九後魏岐州刺史王毅墓銘大統九年十月

第三百九十東魏瀛州刺史李公碑武定二年二月

第三百九十一東魏樂陵太守劉公碑同上

結一廬朱氏膜餘叢書

第三百九十二東魏劉起貴造像記武定二年五月

第三百九十三東魏逢元彥造像記武定二年十二月

第三百九十四梁重立羊祜碑大同十年九月

第三百九十五梁改墮淚碑劉之遴撰劉靈正書

第三百九十六東魏安州刺史赫連栩碑武定五年四月

第三百九十七東魏敬君像記武定七年

第三百九十八後魏造像記大統十五年六月

第三百九十九後魏崇先寺記

第四百漢茹君頌字畫似後魏時人

金石萃編卷一百三十一
雨後方池碧漲秋觀魚亭檻俯臨流時看隱若駢頭戲
忽見開萍作隊游喜擲舟前翻亂錦靜潛波下起圓漚
吾心大欲同斯樂肯插筠竿餌釣鉤

碑無年月不云并書玩其字跡卽琦筆法也琦築忘
機堂在彰德府治北前有狎鷗亭又前有觀魚亭

金石記

按魏公以司徒兼侍中判相州在神宗卽位之初
此碑無年月姑附治平四年之末

金石萃編卷一百三十六終

金石萃編卷一百三十七

賜進士出身 誥授光祿大夫刑部右侍郎加七級王昶撰

宋 十五

周元公題名二段

表本高廣尺寸行字多寡皆不計正書
一在廣東德慶州一在廣東高要縣

濂溪周惇頤茂叔熙寧元年季冬二十六日遊

轉運判官周惇頤茂叔熙寧二年正月七日遊軍事推

官譚允高要縣尉曾緒同至

右濂溪先生題名二段一在今德慶州三州巖自左
而右乾道己丑洛陽程祐之刻其一在今肇慶府七

金石錄卷一百三十一
星巖俱在石洞上茂字至正字當泉潤處尙隱隱可見後有淳祐王子呂中等題字茂叔書點點畫畫端重沈實無一毫苟且姿媚態觀者可以想見先生道德之風表漢襲藏復謹誌之

菜竹堂稟

按史傳熙寧初惇頤知郴州用抃及呂公著薦爲廣東轉運判官提點刑獄此二段蓋行部所至開題也

壽聖禪院勅牒

碑連額高四尺八寸廣三尺四分二十六行行四十六字正書在偃師縣

大宋勅賜壽聖禪院額

中書門下 牒 河南府

河南府奏准

勅應今日以前諸處無名額寺院宮

觀口蓋及口口間已上見有功德佛像者委州縣檢勘保明聞奏特與存留係帳拘管仍並以壽聖爲額有下項十三縣各申有無名額寺院見有蓋到舍屋下有功德佛像各有僧行者住持遂委官躬親點檢到見在殿宇廊舍各及三十間已上並依降 勅日前蓋到縣司官吏各保明委是詣實如後異同甘俟朝典本府尋委逐縣巡檢依此點檢今據逐縣巡檢申點檢到見在間椽結罪保明開坐如後本府口口保明委是詣實

金石錄卷一百三十一
如後異同甘俟朝典伏候

勅旨

伊陽縣高都村洞子院一所舍屋共五十間永安縣橋
西村義井院一所舍屋共三十二間韋蕭村明教院一
所舍屋共四十間偃師縣泗州院一所舍屋共三十五
間壽安縣郭下文殊院一所舍屋共五十二間密縣邢
谷村影堂院一所舍屋共三十一間邢谷村義井院一
所舍屋共三十一間張固村院子一所舍屋共三十三
間張固村院子一所舍屋共三十一間謝村院子一所
舍屋共三十二間謝村院子一所舍屋共三十三間福
昌縣鍾王村賈谷塔院一所舍屋共七十一間永寧縣
蘇口村安寶龍泉院子一所舍屋共四十三間河清縣
南王村院子一所舍屋共三十三間澠池縣千秋口東
禪院一所舍屋共三十五間北班村塔院一所舍屋共
三十一間姚村慶空禪院一所舍屋共三十二間萬受
村金和尚院一所舍屋共三十二間存留天王院一所
舍屋共一百間伊關縣中口村寺一所舍屋共三十二
間河南縣平華村寺一所舍屋共三十三間宮南村寺
一所舍屋共三十三間緱氏縣蔣村寺一所舍屋共三
十間永寧縣西土村鐵佛寺一所舍屋共三十八間河
清縣長泉村廣化寺一所舍屋共三十三間宜並特賜

壽聖寺爲額

牒奉

勅如前宜令河南府翻錄勅黃降付逐寺院

依今來勅命所定名額牒至准勅故牒 熙寧元年二

月二十八日牒

給事中叅知政事唐

右諫議大夫叅知政事趙

起復戶部尙書叅知政事張

左僕射兼門下平章事

偃師縣帖 壽聖院准 河南府帖准 勅節文爲

伊陽等一十三縣有無名額寺院並賜壽聖院名額數

勅偃師縣 院仰翻錄 勅黃降付本院依今來

勅命所定名額者

右具如前當縣今翻錄到 勅黃一道頭連在前事

須帖付本院准此照會熙寧元年四月初三日帖

將仕郎守縣尉兼主簿事張

尙書屯田員外郎知偃師縣事劉

熙寧二年歲次己酉五月二日院主尼遇仙立石

供養主尼惠清

維那尼惠善

典座尼惠雲

張士廉刊

億按牒云伊陽等一十三縣有無名額寺院並賜壽
聖院為額蓋依河南府奏准而首以伊陽冠十三縣
之上與宋史地理志次置不合又後列給事中叅知
政事唐則指唐介而傳不詳為給事中起復戶部尙
書叅知政事張則指張方平而傳不言為戶部尙書
亦不列起復凡此皆史缺也下列右諫議大夫叅知
政事趙蓋即趙忭而並行更列左僕射兼門下平章
事僅題一空銜雖姓氏亦不書竟莫知其孰謂也牒
刻一石在熙寧二年五月二日為院主尼遇仙所立
又牒載諸縣寺院今頽廢罕有遺蹟著此以為方志
舉遺亦不可遽沒也 偃師金石錄

江夏黃鶴樓雜詩

石連額高七尺八寸廣四尺三寸八分分五層書第
一層四十五行餘四層皆四十四行行約十四字行
書額題鄂州雜詩四字篆書

和伏武昌登孫權故城

謝朓 詩不具錄下仿此

漢口口別 宋之問

黃鶴樓 崔顥

送夏侯子之江夏 賈至

送康太守 王維

送人歸江夏

金石錄卷一百三十一
五
黃鶴樓歌送獨孤助 顧况

與史郎中飲聽黃鶴樓吹笛 李白

鸚鵡洲

江夏使君叔席上贈史郎中

口漢陽輔錄事

江夏贈韋南陵冰

望漢陽柳色寄王宰

江夏寄漢陽輔錄事

送儲口之武昌

江上送友人

送孟浩然之廣陵

題江夏脩靜寺

送口九遊江左

送口口歸鄂渚

江夏送客 孟浩然

沂江過

送田端公還鄂渚使府 武元衡

除官赴闕至江州口鄂岳李大夫 韓愈

夏口 杜牧

送張判官謁鄂州大夫

送王侍御赴夏口口口王幙

寄牛相公

赴黃鶴樓崔侍御宴 白居易

上江夏主人

黃鶴樓 賈 島

又 李羣玉

口口山人 陶

武昌老人鍊笛歌 劉禹錫

曉泊漢陽渡 王真白

黃鶴樓寓興 羅 隱

望故沔城 皮日休

望黃鶴山張君 沈如筠

黃鶴樓 盧 郢

熙寧二年六月日立

按黃鶴樓詩刻南齊一人唐二十人凡詩三十九首謝朓十人載入文選宋之間以下亦皆載入全唐詩故但存其目不錄其詩碑不知何人所書及因何刻石惟存年月而已

瀧岡阡表

碑連額高八尺一寸五分廣三尺五寸二十七行行五十六字連額並正書在永豐縣

嗚呼惟我

皇考崇公卜吉于瀧岡之六十年其

子脩始克表於其阡非敢緩也蓋有待也脩不幸生四
歲而孤

長以教俾至于成人

太夫人告之曰汝父爲吏

廉而好施與喜賓客其俸祿雖薄常不使有餘曰母以
是爲我累故其亡也無一瓦之覆一壠之殖以庇而爲
生吾何恃而能自守耶吾於汝父知其一二以有待於
汝也自吾爲汝家婦不及事吾姑然知汝父之能養也
汝孤而幼吾不能知汝之必有立然知汝父之必將有
後也吾之始歸也汝父免於母喪方踰年歲時祭祀則

必涕泣曰祭而豐不如養之薄也間御酒食則又涕泣
曰昔常不足而今有餘其何及也始吾一二見之以爲
新免於喪適然爾旣而其後常然至其終身未嘗不然
吾雖不及事姑而以此知汝父之能養也汝父爲吏嘗
夜燭治官書屢廢而歎吾問之則曰此死獄也我求其
生不得尔吾由生可求乎曰求其生而不得則死者與
我皆無恨也矧求而有得邪以其求而得則知不求而
死者有恨也夫常求其生猶失之死而世常求其死也
回顧乳者劔汝而立于旁因指而歎曰術者謂我歲行
在戌將死使其言然吾不及見兒之立也後當以我語

告之其平居教池子弟常用此語吾耳熟焉故能詳也
其施於外事吾不能知其居于家無所矜飾而所爲如
此是真發於中者耶嗚呼其心厚於仁者耶此吾知汝
父之必將有後也汝其勉之夫養不必豐要於孝利雖
不得博於物要其心之厚於仁吾不能教汝此汝父之
志也脩泣而志之不敢忘

先公少孤力學咸平

三年進士及第爲道州判官泗綿二州推官又爲泰州
判官享年五十有九葬沙溪之龍岡

太夫人姓

鄭氏考諱德儀世爲江南名族

太夫人恭儉仁

愛而有禮初封福昌縣太君進封樂安安康彭城三郡

太君自其家少微時治其家以儉約其後常不使過之
曰吾兒不能苟合於世儉薄所以居患難也其後脩貶
夷陵

太夫人言笑自若曰吾處之有素矣汝能

安之吾亦安矣自

先公之亡二十年脩始得祿

而養又十有二年列官于

朝始得贈封其

親又十年脩爲龍圖閣直學士尙書吏部郎中留守
南京

太夫人以疾終于官舍享年七十有二又

八年脩以非才入副樞密遂叅政事又七年而罷自登
二府

天子推恩褒其三世故自嘉祐以來逢

國大慶必加寵錫

皇曾祖府君累贈金紫

光祿大夫太師中書令兼尚書令曾祖妣累封楚國太夫人
皇祖府君累贈金紫光祿大夫太師中書令

兼尚書令 祖妣累封吳國太夫人 皇考

崇公累贈金紫光祿大夫太師中書令兼尚書令

皇妣累封越國太夫人 今上初郊 皇

考賜爵為崇國公 太夫人進號魏國於是小子

脩泣而言曰嗚呼為善無不報而遲速有時此理之常

也惟我 祖考積善成德宜享其隆雖不克有於

其躬而賜爵受封顯榮褒大實有 二朝之錫命

是足以表見於後世而庇賴其子孫矣乃列其世譜具

刻于碑既又載我 皇考崇公之遺訓

夫人之所以教而有待於脩者並揭于阡俾知夫小子

脩之德薄能鮮遭時竊位而幸全大節不辱其先者其

來有自

熙寧三年歲次庚戌四月辛酉朔十有五日乙亥男

推誠保德崇仁翊戴功臣觀文殿學士特進行兵部

尚書知青州軍州事兼管內勸農使充京東東路安

撫使上柱國樂安郡開國公食邑四千三百戶食實

封一千二百戶 脩 表

歐陽公書筆勢險勁字體新麗自成一家 東坡集

歐陽公書如其爲人外若優游中實剛勁

朱子集

宋歐陽文忠公自作不載何人書疑公自書在永豐

格古要論

歐陽文忠公瀧岡阡碑爲龍神借觀事甚奇黃魯直檄龍文云臣黃魯直謹言臣聞天子詔脩永叔以三年三月三日趨朝欽承皇上滌寵錫以重爵推以峻位加恩三世著其褒辭以贈修命石氏鐫之故刻瀧岡阡表世次碑乃僱舟載回五月十三日至鄱陽湖泊舟廬山之下是夜一叟同五人青衣大帶來舟揖而言曰聞公之文章蓋世水府願借一觀自謂龍也

請碑入水遂不見焉惟陰風怒號淡月映空修驚悼不已坐以待旦黎明起諭直時知泰和令以同邦之誼命直爲文以檄恭惟洞天水府之宮震澤主者潤濟王闕下福地陰陽龍池歲月星斗芒寒受穹質于上界雲津變化騰顯號于人間廟食吳中官氏均賴茲有河神之玩法敢將表石以沉淪妙畫雄文自應呵護瓊章玉冊孰敢誰何雖龍宮之幽元而雷神之慧徹吳風震雷駭蚪奔鯨地裂水竭淵泉俱滅旣已各司其職胡不永保其身以汝上天功也驥首雲霄德配亭毒乾道之性厥位六焉鼎成以升實汝之神

下地利也淵源潭洞養身遁性坤絕妖塵其德元焉
禹舟之負實汝之功今汝不然乃罹茲禁萬一株連
五龍盡滅書畢投檄湖中忽空中語云吾乃天丁也
押服驪龍往而送至永豐沙溪勅賜文儒讀書堂之
南龍泉坑而交也文忠公歸家掃墓但見坑中雲霧
濛蔽虹光爍空往視一大龜負碑而出倏忽不見惟
碑上龍涎宛然在焉乃起置于崇國公墓前俾垂不
朽嗚呼文能動龍孝足感天公之文章德業至矣極
矣天下萬世誰不翕然而宗師之時熙寧三年庚戌

七月望日黃魯直謹識

筠廊
偶筆

瀧岡阡表爲六一集中第一等文字手書勒石越州

胡仁濟令廬陵搨十本餉余書作行楷莊雅中雜流
麗益文與書爲兩絕也老友方靈臯語余乳者劔汝
而立於旁當是紉汝歐公爲文多不使奇嶮字此蓋
用離騷紉秋蘭以爲佩此之曲禮負劔辟咎爲較安
也按碑文正作劔又宋姚寬西溪叢語亦有劔汝立
旁之解還當以劔爲正

虛舟
題跋

按文獻通考及宋史職官志文武臣僚功臣號無推
誠而有推忠然史又稱中書樞密則推忠協謀親王
則崇仁佐運餘官則推誠保德翊戴則推忠之號惟

兩府專之其餘文武諸臣但當爲推誠耳通考及史
文作推忠者誤也歐公嘗任執政此所賜功臣號止
稱推誠保德者宋制中書樞密所賜若罷免或出鎮
則改之予又記狄武襄公神道碑稱推誠保德守正
翊戴功臣狄公由樞密使出鎮故所賜功臣號亦用
餘官之例也表作于熙寧三年四月時公以觀文殿
學士知青州按寧輔編年錄是年四月除宣徽南院
使判太原府方作表之時除命尙未下也
潛研堂金石文跋尾
歐陽文忠公爲其考崇公及太夫人撰瀧岡阡表成
勒諸石遣吏齎之歸并檄郡守董墓事渡江風濤大

作有龍蜿蜒夾舟舟欲覆篙師呼曰客有懷寶者乎
請投之以禳此厄客曰無之惟碑在焉因共擠之江
龍乃冉冉去波亦平遂得竟渡吏持檄以實告郡守
守訝之令吏祭墓且以告則碑已巋然植于其側矣
守墓者曰昨之夜震電發土碑于是出也薄視之見
表文中獨以朱圈祭而豐不如養之薄入字滴水淋
滴自額及跌不絕磔迹炳然閱數百載如新嗟乎椎
牛而祭不如雞黍之逮存昔賢著之矣而發之自公
有甚痛于中者故言之足以動鬼神致靈異若此夫
非盡人之子歟讀是文者其尙有感于斯
江西通志

按江西通志瀧岡在吉安府永豐縣鳳凰山側歐
公此文本集及宋文鑑並全載之今取二書互校
有不同者卜吉於瀧岡之六十年文鑑脫岡字居
貧自力於衣食支鑑同集居貧作居窮注云一作貧
太夫人告之曰集同文鑑作告曰毋以是為我累集同
文鑑母作無一隴之殖集與文鑑皆作植集注云
碑本作埴昔常不足集作昔常注云常一作吾文
鑑亦作吾始吾一一見之集鑑皆作吾始則死者
與我皆無恨也集有也字注云一無也字文鑑無
也字以其求而得集作以其有得注云一本有字

作求而文鑑亦作以其有得則知不求而死者有

恨也集同鑑無有字而世常求其死也集作世注云

一作况文鑑作况劍汝而立于旁集作劍注云一

作抱文鑑作抱常用此語集常作需鑑作當自其

家少微時集作微注云一作賤文鑑作賤曰吾處

之有素矣集曰下有汝家故貧賤也六字注云碑

本無六字文鑑亦有此六字自先公之亡二十年

集同鑑作三十太夫人以疾終于官舍集作終注云

一作卒鑑作卒故自嘉祐以來集作故注云一作

蓋太夫人進號魏國集作魏注云一作韓鑑作韓

而有待于脩者集鑑無有字熙寧二年四月辛酉

朔集鑑作二年無朔字大抵歐集尚參用碑本文

鑑則直取當時流傳之集本未與碑校又有傳寫

之誤故不同如此又按歐公以熙寧五年卒見本傳

年六十六見東都事略及東坡祭歐文忠公文推其生在真宗景德

四年生四歲而孤則其父之卒在大中祥符三年

是年庚戌正與術者歲行在戌之語合其時父年

五十九是公之生父年五十六公父卒後四十二

年太夫人始卒于畱守南京宮舍年七十二當父

卒時太夫八年僅三十故云守節自誓也太夫人

之卒在皇祐三年時公年四十五其入副樞密在

嘉祐五年參知政事在六年罷參政在治平四年

年六十一矣碑云今上初郊皇考賜爵為崇國公

者神宗紀熙寧元年十一月丁亥祀天地于園丘

羣臣進秩有差即此時也公之撰此碑在知青州

時其後判太原府徙蔡州四年致仕五年卒是建

碑之後未嘗到墓而筠廊偶筆載黃山谷謂文忠

歸家掃墓見坑中雲霧已非其實自此以後異聞

傳布為龍神借觀碑文風浪攝去江西通志又有

龍夾舟擠碑入江翼日雷電發土而碑出悠謬之

金石錄卷一百三十一
談轉輾志怪殆非確據也至劍汝而立于旁句是
卽曲禮負劍辟咎之劍謂出于掖下虛舟題跋引
方靈臬言當改爲紉秋蘭之紉靈臬本不知金石
而以選八家古文批語強作解事更爲乖謬

湯陰縣嵇公廟記

碑連額高一丈一尺四寸五分廣三尺六寸四分
十三行行五十一字正書篆額在湯陰城西南

相州湯陰縣新修晉太尉嵇公廟記

夫以忠事君人臣之常分也然遭大變臨大節或心無
所主爲禍福所動以苟一時之生而貽萬世之戮者多
矣若其鼎鑊在前鋒刃加己能挺然知義之所在分固
當爾輕其命若鴻毛然卒死而不顧者幾何人哉惟

晉侍中贈太尉忠穆嵇公則其人也方惠帝昏弱諸
王肆亂各萌僭奪以相屠害故帝之北征也公馳赴行
在力當國難而成都王頌以兵犯乘輿衛從奔散獨公
端冕侍側以身扞帝至血濺御衣而殞嗚呼公之知義
明分可謂處得其死而不爲難也故其大忠偉節赫然
與日月爭光卒然與山嶽爭高天地知不可窮而公之
名亦不可窮矣宜乎百世之下有國家者欽遺風想餘
烈置祠奉祀永永而不絕也相之湯陰卽公死難之地
其廟在焉前之爲邑者不知追顯忠義爲政所先因循

金石錄卷一百三十一
不葺底於大壞今令張君楙至則首拜祠下覩其墉敞
之甚驚而嘆曰茲不職之大者也亟舉公事迹與夫朝
廷崇祀之意諭于邑民民皆欣然願共力以完之令乃
寬與之約聽自營辦不數月而祠宇一新于是民益知
夫大賢之忠於國者雖死於不幸後世必載祀典嚴廟
貌奉事尊仰之如此皆思勉而爲善自一邑而推一郡
繇一郡而推諸四方則其爲勸也豈小補哉廟完具書
來告以余嘗兩守鄉邦願志本末噫忠義之心人皆有
之但勉而不力執之不固遂不至于古人余亦勉而執
之者跂忠穆之風尤寤寐以自激文雖甚陋惡敢吝而
不書時熙寧二年八月十五日

司徒兼侍中判大名府兼北京留守司事大名府路安撫使魏國公韓琦記并書

尙書都官員外郎管句大名府路安撫都總管司機宜文字口口篆

安陽任倫重錄

此琦因湯陰令張懋修廟而記其事也太平寰宇記云湯陰縣浣衣里晉侍中嵇紹葬所按鄴中記志帝師敗湯陰千官皆走獨紹端冕帝側以身捍主遂至見害血濺御衣及事寧左右欲浣之帝曰此嵇侍中

之血勿去也詔葬縣南因名此地為浣衣里是紹墓亦在今縣城西南也墨池編稱韓魏公書骨力壯偉書史會要稱其工正書師顏魯公頗露圭角信然

金石記

按河南通志嵇侍中廟在彰德府湯陰縣城西南祀晉侍中稽紹宋治平中建據此碑立于熙寧三年而文云相之湯陰即公死難之地其廟在焉因循不葺底于大壞今令張君楸至首拜祠下覩其壝敞之甚論于邑民不數月而祠宇一新則湯陰之有嵇公廟其來已久不始建于治平中特至是

重葺之耳碑文所紀嵇公忠績悉與晉書本傳合韓魏公為相州安陽縣人據史傳先由武康軍節度使知并州求知相州在嘉祐元年以前繼除鎮安武勝軍節度使司徒兼侍中判相州入對改判永興軍經略陝西熙寧元年七月復請相州以歸碑故云余嘗兩守鄉邦也是年河北地震河決徙大各府充安撫使即此撰書之時也

觀褚書聖教序碑題名七段

題名正書五行行五字至九字不等左行在同州府聖教序碑陰

范育吳之雷壽民安老崔君授夢得李衮希仲同觀熙

寧四年六月二十三日

又正書九行行七字左行

權發遣轉運副使公事游師雄按部至同郡守章龍

圖棗相率同觀與者三人通判州事張垓提刑司檢法

官崔直躬州學教授白時中元祐甲戌中和節後一日

題

又正書四行行七字左行

武功游師雄馮翊仇伯玉同觀褚書聖教序元祐三年

五月廿九日

又行書四行行九字左行

太僕丞張景修敏叔拉左輔令宋靖與正同觀龍興寺

褚書聖教序崇寧元年二月廿三日題

又正書六行行九字左行

歷山張智周被漕檄攝郡事暇日率眉山唐逢叔樊

川李少蒙金陵曾公乘汝陽崔莘叟東里陳子美全閣

唐碑政和改元孟冬望日再題

又行書四行行十字左行

建安暨尹卿公任邀成都羅興惇詩同觀褚書弟召卿

公南右卿公介預焉時宣和辛丑清明前二日題

又行書五行行八字至十字不等

延安暨唐裔堯本三峯周兆子京山陽顧伯起景震邵武俞日新德夫同觀褚書聖教序宣和壬寅上巳後三日題

日題

游師雄題名二通俱在同州府褚書聖教序碑陰其

一題元祐三年五月而不著官職以宋史本傳推之

當是任陝西轉運判官時也其一題元祐甲戌中和

節後一日稱權發遣轉運副使公事甲戌者元祐九

年也阿房宮賦石刻有師雄跋立於元祐八年亦稱

權發遣轉運副使公事本傳云為陝西轉運使蓋脫

太副字宋時外任差遣資淺者加權字尤淺者則稱權

發遣某官公事史書皆略而不書惟石刻一一書之

章棗時以直龍圖閣知同州故有章龍圖之目白時

中官同州學教授亦史傳所未及潛研堂金石文跋尾

善感禪院新井記

碑連額高五尺九寸廣二尺五寸八分共十八行行三十六字行書額題善感院新井記六字篆書在咸

寧縣

京兆府口口善感禪院新井記

提舉興修白渠及專切管勾見行渠堰事宜奉郎守

殿中丞騎都尉侯可謨

文辯大師慧觀書

南山李元直篆

大生五材下民日用而不可不備惟水火相須之急洪
範弗得弗先或闕乎一黔首罔以爲生及乎用之之情
口不擇其精粹者也一事不精未有不思其更革者也
長安寔漢唐之故都當西方之衝要衣冠豪右錯居其
間連甍接桷僅數萬家官府佛寺道觀又將踰百計其
井不啻乎萬也然而烏鹵之地井泉惟鹹凡厥膳羞烹
飪皆失其味求其甘者略無一二焉又非井之用也井
之道上行而在及乎衆及乎衆則衆所歸也衆所歸者
泉寒而味甘也泉寒而味甘則井道之廣也易曰井冽
寒泉食是得其中而衆所歸者也旣鹹而不食則失井
之道也井道旣失衆所不來也故多捨棄舊井而改卜
其地求發泉源之甘醴者則未嘗有如其意者也有香
城院直府庭之東南隅千步而近院處諸梵宇之甲者
僧徒童行官客僕從日不減其數百八舊井一十一空
水之所供浴室廚爨澣濯馬廄秣飼之事崇朝及暮用
汲無窮厥味甚不甜美久厭其食衆共來請於主僧智
海師曰願改卜地以成井以足大衆茶藥之用海師齊
肅誠意乃卽其請越三日集僧徒行浮屠教之法事於
大門內東垣下後以杖卓其地命匠者具畚鍤興工二

金石錄卷一百三十一
日而井成其泉源沸湧澄然而甘寒宜其食也傍及左右所居之民往來汲取養而不窮嗟乎非誠意精絜感物之深者物莫肯應焉智海師戒律淳篤正心無我住持修整孰不瞻嚮以斯之應可謂師之行果者歟熙寧七年正月晦日記

典座僧德安

維那僧德岳

書狀賜紫德邕

供

養主僧德越

住持沙門賜紫智海立石

鎬都武德誠刻字

按陝西通志香城寺在西安府城內錢局創自石晉思遠禪師周顯德中賜額廣福禪院宋仁宗更

賜名曰善感然人恒以香城名之此碑標題云善感而文內仍但稱香城蓋善感之賜名未久也

唵字贊

石高二尺六寸七分廣一尺四寸四分上梵書唵字下贊七行行十字正書在咸寧縣卧龍寺

鎮成軍僧顯俊書

義靜三藏於西天取得此梵書唵字所在之處一切鬼神見聞者無不驚怖

太宗皇帝贊

鶴立馳行勢未休五天文字鬼神愁儒門弟子無人識穿耳胡僧笑點頭

京兆府住持十方福應禪院講經論傳戒沙門惟果
立石

大宋丁巳熙寧十年八月二十六日安民師刊

表忠觀碑

碑共四石兩面刻各高八尺五寸八分廣四尺皆七
行其一面五行行皆十八字正書在錢塘表忠觀

朝奉郎尚書祠部員外郎直史館權知徐州軍州事
騎都尉蘇軾撰并書

熙寧十年十月戊子資政殿大學士右諫議大夫知杭
州軍州事臣抃言故吳越國王錢氏墳廟及其父祖妃
夫人子孫之墳在錢塘者二十有六在臨安者十有一
皆蕪廢不治父老過之有流涕者謹按故武肅王鏐始
以鄉兵破走黃巢名聞江淮復以八都兵討劉漢宏并
越州以奉董昌而自居於杭及昌以越叛則誅昌而并
越盡有浙東西之地傳其子文穆王元瓘至其孫忠獻
王仁佐遂破李景兵取福州而仁佐之弟忠懿王俶又
大出兵攻景以迎周世宗之師其後卒以國入覲三世
四王與五代相終始天下大亂豪傑蜂起方是時以數
州之地盜名字者不可勝數既覆其族延及于無辜之
民罔有子遺而吳越地方千里帶甲十萬鑄山煮海象
犀珠玉之富甲於天下然終不失臣節貢獻相望於道

是以其民至於老死不識兵革四時嬉游歌鼓之聲相聞至于今不廢其有德於斯民甚厚

皇宋受命

四方僭亂以次削平而蜀江南負其嶮遠兵至城下力屈勢窮然後束手而河東劉氏百戰守死以抗王師積骸爲城灑血爲池竭天下之力僅乃克之獨吳越不待告命封府庫籍郡縣請吏于朝廷視去其國如去傳舍其有功於朝廷甚大昔竇融以河西歸漢光武詔右扶風脩理其父祖墳塋祠以太牢今錢氏功德殆過於融而未及百年墳廟不治行道傷嗟甚非所以勸獎忠臣慰答民心之義也臣願以龍山廢佛祠曰妙因院者爲觀使錢氏之孫爲道士曰自然者居之凡墳廟之在錢塘者以付自然其在臨安者以付其縣之淨土寺僧曰道微歲各度其徒一人使世掌之籍其地之所入以時脩其祠宇封殖其草木有不治者縣令丞察之甚者易其人庶幾永終不墜以稱朝廷待錢氏之意臣抃味死以聞

制曰可其妙

因院改賜名曰表忠觀銘曰

天目之山茗水出焉龍飛鳳舞萃于臨安薦生異人絕類離羣奮挺大呼從者如雲仰天誓江月星晦蒙強弩射潮江海爲東殺宏誅昌奄有吳越金券玉冊虎符龍

金石考卷一百三十一
節大城其居包落山川左江右湖控引島蠻歲時歸休
以燕父老睦如神人玉帶毬馬四十一年寅畏小心厥
篚相望大貝南金五朝昏亂罔堪託國三王相承以待
有德既獲所歸弗謀弗咨先王之志我維行之天胙忠
孝世有爵邑允文允武子孫千億帝謂守臣治其祠墳
毋俾樵牧愧其後昆龍山之陽歸焉新宮匪私于錢維
以勸忠非忠無君非孝無親凡百有位視此刻文

元豐元年八月甲寅

觀在杭州龍山宋郡守趙抃以五代錢武肅王墳廟
蕪廢請于朝卽龍山廢刹爲觀賜額表忠東坡爲碑

銘

山堂
肆考

表忠觀碑蘇文忠公撰并書結法不能如羅池老筆
亦自婉潤可愛銘詞是蘇詩之佳者余嘗怪錢氏起
羣盜非有大功德於民而能制一方傳數世穹爵崇
奉迨於大明燭火自若納叛之後圭組映帶者又百
餘年久而人思之何也武肅王初有國將築宮望氣
者言因故府大之不過百年填西湖之半可得千年
武肅笑曰世有千年中而不出真主者乎奈何困吾
民爲遂弗改此其智有足多者五代史故歐陽氏懟
筆未盡徵也

舟州山
人藁

觀中碑今已重摹壁窠大字與醉翁豐樂記同法而
更加嚴重若以飾圍屏信偉觀也荆公與長公極不
合乃獨稱許此文可見古人服善宋人言荆公初見
時極擊節連曰此何語也數次繼乃曰此三王世家
也潘子真又謂公云是漢興諸侯王年表此兩語皆
是似三王世家是形似諸侯年表是神初據形言久
之乃悟其神耳文得於神斯善法古矣武肅王草莽
英傑事要不能盡善惟知安心待真主始終臣事中
原故能保其封疆耳其不填西湖亦是此意司寇據
錢氏私誌謂五代史係歐公懟筆恐未然歐公平日
推尊文僖公甚至歸田錄所記惟贖珊瑚筆格一事
稍短於明察然亦不失爲厚德其他若好讀書若不
得於黃紙書名皆佳事好讀書尤爲不易及何得云
非美談武肅乃文僖曾祖有何大怨直至上誣及歐
公會同謝希深遊嵩嶽歸抵香山錢公遣歌妓往謂
因挾一妓爲錢公所持尤非文僖固不純亦不因歐
公言損品大抵凡子孫類爲祖父護前稱道微未至
怨遂歸焉文人負謗皆緣此近世尤甚凡頌人必得
如孔顏乃滿志若止如孟子輿云有圭角卜子夏云
見紛華而說亦卒不快矣但不意弇州公亦未鑑錢

氏對說

書畫跋跋

右表忠觀碑凡八片今存四片又失其下截每行止十一字然筆法方整俊偉比之蔡君謨有過之無不及坡公最用意之作也石在杭州府學乾隆辛酉歲掘地得之湖上錢王祠有明人重刻本文雖完好特優孟之衣冠耳

潛研堂金石文跋尾

表忠觀碑余向見三本一是嘉靖三十六年郡守陳公重摹本一是陳吉士所鐫行書本即王衡跋所稱字僅拇指大者也最後始見原碑即府學掘地所得者三本互校皆微有不同如蘇軾撰并書吉士本無

并書二字二十有六吉士本作廿有六銘詞末視此

刻文陳柯本作觀此刻本吾友陳以剛又言而蜀江

南板本作西蜀江南不知所謂板本者又何本也今

原碑已蝕無可據矣原碑舊在龍山不知何年移置

郡庠以臆度之當與石經同時之事國朝乾隆五

年余教授馴得於泮宮後石原四片八面今出土只

得二片一面嵌壁搨者不得其全乾隆乙卯歲適杭

嘉湖道秦公瀛糧儲道張公映璣來觀無錫錢立羣

泳即力言之乃昇至觀中與嘉靖重摹本同列千年

名蹟位置得所亦時會為之也

朱文藻蘇碑攷序

按表忠觀萬歷杭州府志宋時觀在龍山熙寧十年知杭州趙抃請於朝建賜名表忠觀蘇軾作碑記卽此碑也西湖志云表忠觀碑在今錢王祠內嘉靖三十六年杭州知府陳柯重摹立石此則明半時重摹本在今錢王祠者也今之錢王祠在杭州府城湧金門外柳浪聞鶯之南靈芝寺之左亦名表忠觀雍正五年_吳勅封錢王爲誠應武肅王于是總督李衛重建今祠表以石楔題曰功德坊取陳柯重摹碑補缺者二十六字而自爲跋以識于碑旁考表忠觀碑有四本其最初者本四石兩

面刻作行楷書字大四寸每石每面六行行二十

字元豐元年之旁尙有小行書兩行其一行云表

忠觀碑總四片面背刻字_{下文}第二行云匡護而

樹之此碑遂_{下文}錢文瀚蘇碑攷云蘇軾表忠觀

原碑舊在龍山觀內元初西僧楊璉真伽悉輦碑

石甃塔基杭郡碑石爲其所災者已大半矣此碑

乃正德十二年御史宋廷佐與宋高宗石經同遷

于郡庠_{國朝}乾隆二年諸暨余蘿村諱懋棟教

授郡庠秋暮蘿村同年趙石函來寓循視頽垣下

微露石棱掘土獲斷碑二卽表忠觀碑也一時題

詠甚夥後嵌于郡庠壁者幾年又倒仆于名宦祠者幾年歲乙卯重修表忠觀落成此碑自郡庠移來樹于今表忠觀左廡此東坡手書初刻之碑也其次則明太守陳柯重摹本在觀中右廡又其次行書碑見王衡綏山集陳子吉士出所鐫文忠行書碑文字僅指天者又見王荆公題跋云子瞻守杭州作表忠觀碑余退老鍾山忽復見過同憩法雲寺子瞻忽已寫一通字字欲飛袖之而歸者也又其次小字表忠觀碑見竹嶼盒金石目云在杭州府學僅一小石其臣願以龍山廢佛寺曰妙

因院者為觀以下俱缺蓋表忠觀碑之現行于世者大凡有此四種今所錄者取府學出土本而以陳柯重摹本補其全按碑文東坡文集及宋文鑑並載之而校其互異之處如忠獻王仁佐集鑑俱作忠顯吳越地方千里鑑作一千里墳廟不治鑑此上有而字曰妙因院者為觀鑑無者字我維行之鑑作我繼玩文義似集鑑有訛衍當以碑為正也東坡先生年譜元豐元年戊午先生在徐州任但載八月癸丑黃樓落成而不敘及撰此碑是年譜漏略宋史趙抃傳抃字閱道衢州西安人神宗

立名知諫院未幾擢參知政事奏論新法懇乞去
位拜資政殿學士知杭州宰輔表熙寧三年四月
己卯趙抃自參知政事右諫議大夫以資政殿學
士知杭州此碑載熙寧十年十月抃猶知杭州但
系銜加大學士與表不同蓋出知杭州已八年矣
東坡撰此文祇敘抃之奏而加以銘辭不自述其
所以撰文之由且係在徐州任並非守杭州不知
何以荆公題跋云子瞻守杭州作表忠觀碑恐此
跋亦係誤傳也

海公壽塔記

碑連額高五尺七寸八分廣二尺九寸三分
一十二行行三十四字正書篆額在咸寧縣

有宋永興軍香城善感禪院主廣慈大師海公壽塔記
宣德郎守尚書虞部員外郎管勾永興軍耀州三白
渠公事騎都尉賜緋魚袋王頤書

狄道李元直篆額

大師名智海字濟叔姓劉氏耀州三原留冊民家子也
生於祚符三年庚戌之歲既滿月張慶席會親于家有
善相者曰此兒異日非塵埃中物但幼齡多患而不利
所天耳甫八歲果得疾未瘳而父先朝露母王氏事佛
尤篤日常一食以求其安越三年夜夢梵僧撫師之頂

謂王氏曰此法器也亟歸諸釋氏則其病自愈翌日王氏焚香像前稽首而諾之月餘病間天聖元年始辭家入長安依香城主僧承瑜習淨屠法八年去氏削髮明年受具爲比丘從而植學經論之場左右采獲深達義趣加之性行醇謹多爲宿德之所推許未幾舉充慶安寺主繩衆以寬集事以勤上下稱治由厥師順寂還院充維那紀綱不紊賓主胥悅尋以本府表嘆闕員又補師以尸其局皇祐三年殿前太尉許公懷德德師素深遂薦章服嘉祐四年又領府命主澄衿院事熙寧三年府尹左丞錢公明逸謂白塔興教禪院皆賢之遺

迹古都之上遊宜於諸寺擇高行僧以董其衆師首膺其選僉謂得人居凡二年度門弟子七人以善感主僧承諾化去乃徇衆命歸嗣院事其爲治也安而不擾簡而有成嘗患院之舊井鹵不可用一日領其徒於中門之外東北之隅以下井地恪誠再拜祈佛冥加果得甘泉感涕清冷殿中丞侯可記之詳矣師能以四攝歸人故輔翼之儔樂宣其力致院務多暇披擧貝書手不釋卷閱大藏經一遍法華金剛經各周一藏並營蒲塞以慶之旣而名聞上都美傳咸里都尉主公詵奏号廣慈以旌行業師嘗念新新生滅駛於犇馬豈以

後事累其徒耶乃於萬年縣龍首鄉澆水之西原預卜
葬地壘塔既成走介抵洛丐余文以次其實余兩遊長
安皆館師之院粗稔其迹故直書不讓也自祥符庚戌
至元豐戊午師之壽六十有九師之孺四十有九兩院
度門弟子共二十六人後之可紀者非余所知在師之
賢二三子而續之云時元豐改元秋九月重陽前一日
寓三陵永昌院文辯大師慧觀記

師弟賜紫沙門德邕立石 安民師刊

按善感禪院有新井卽海公所開碑見前卷此碑
叙海公主善感時亦述其開新井事與前碑合撰

記者慧觀卽前碑書丹者也篆額之李元直則兩
碑皆同東坡常稱元直字通叔長安人其先出於
唐讓帝學篆書數十年覃思甚苦曉字法得古意
用銛鋒筆縱手疾書初不省度

蘇頌濱黃樓賦

賦四紙寬窄不一一廣二尺九寸五分一廣二尺七
寸一厚一尺九寸五分一厚二尺一寸五分各高八
尺三寸五分共三十四行行
三十四字正書在銅山縣

黃樓賦

蘇轍

熙寧十年七月乙丑河決於澶淵東流入鉅野北溢

于濟南溢于泗八月戊戌水及彭城余兄子瞻適爲彭
城守水未至使民具畚鍤畜土石積芻茭完室隙穴以
爲水備故水至而民不恐自戊戌至九月戊辰水及城
下者二丈八尺塞東西北門水皆自城際山雨晝夜不
止子瞻衣製履屨廬於城上調急走發禁所以從事令
民無得竊出避水以身率之與城存亡故水大至而民
不潰方水之淫也汗漫千餘里漂廬舍敗冢墓老弱蔽
川而下壯者狂走無所得食槁死於丘陵林木之上子
瞻使習水者浮舟楫載糗餌以濟之得脫者無數水旣
涸

朝廷方塞澶淵未暇及徐子瞻曰澶淵誠塞徐
則無害塞不塞天也不可使徐人重被其患乃請增築
徐城相水之衝以木堤捍之水雖復至不能以病徐也
故水旣去而民益親於是卽城之東門爲大樓焉聖以
黃土曰土實勝水徐人相勸成之轍方從事於宋將登
黃樓覽觀山川弔水之遺迹乃作黃樓之賦其詞曰
子瞻與客游於黃樓之上客仰而望俯而歎曰噫嘻殆
哉在漢元光河決瓠子騰威鉅野衍溢淮泗梁楚受害
二十餘歲下者爲汗澤土者爲沮洳民爲魚鼈郡縣無
所天子封祀太山徜徉東方哀民之無辜流死不藏使
公卿負薪以塞宣房瓠子之歌至今傷之嗟維此邦俯

仰千載河東傾而南洩蹈漢世之遺害包原隰而爲一
窺吾壙之摧敗呂梁齟齬橫絕乎其前四山連屬合圍
乎其外水洄洑而不進環孤城而爲海舞魚龍於隍壑
閱帆檣於睥睨方飄風之迅發震鞀鼓之驚駭誠蟻穴
之不救分閭閻之橫潰幸冬日之旣迫水泉縮以自退
淒流枿於喬木遺枯蚌於水裔聽澶淵之奏功非天意
吾誰賴今我與公冠冕裳衣設几布筵斗酒相屬飲酣
樂作開口而笑夫豈偶然也哉子瞻曰今夫安於樂者
不知樂之爲樂也必涉於害者而後知之吾嘗與子馮
茲樓而四顧覽天宇之宏大繚青山以爲城引長河而
爲帶平臯衍其如席桑麻蔚乎施施畫阡陌之從橫分
園廬之向背放田漁於江浦散牛羊於煙際清風時起
微雲霏靄山川開闔蒼莽千里東望則連山參差与水
皆馳群石傾奔絕流而西百步涌波舟楫紛披魚鼈顛
沛没人所嬉聲崩震雷城堞爲危南望則戲馬之臺巨
佛之峰巋乎特起下窺城中樓觀翱翔鬼我相重激水
旣平眇莽浮空駢洲接浦下與淮通西望則山斷爲缺
傷心極目麥孰禾秀離離滿隰飛鴻羣往白鳥孤沒橫
煙澹二俯見藜日北望則泗水淩漫古汴合焉匯爲濤
淵蛟龍所蟠古木蔽空烏鳥號呼賈客連檣聯絡城隅

送夕陽之西盡導明月之東出金鉦涌於青嶂陰霧爲
之辟易窺人寰而直上委餘彩於沙磧激飛楹而入戶
使人體寒而戰慄息洶洶於羣動聽川流之蕩潏可以
起舞相命一飲千石遺棄憂患超然自得且子獨不見
夫昔之居此者乎前則項籍劉備後則光弼建封戰馬
成羣猛士如林環臂長嘯風動雲興朱閣青黃舞女歌
童勢窮力竭化爲虛空山高水深草生故墟蓋將問其
遺老旣已灰滅而無餘矣故吾將與子弔古人之旣逝
憫河決於疇昔以變化之無在付杯酒於終日於是衆
客釋然而笑頽然而醉酒傾月墜扶携而出

按東坡先生年譜熙寧十年丁巳先生年四十二
在密州任就差知河中府已而改知徐州四月赴
徐州任徐州水患大作七月十七日河決澶州曹
村埽八月二十一日及徐州城下先生治水有功
至十月五日水漸退城以全朝廷降詔獎諭元豐
元年戊午二月有旨賜錢二千四百一十萬起夫
四千二十三人及發常平錢米改築徐州外小城
創木岸四以獎諭敕記併刻諸石爲熙寧防河錄
迺卽徐州城之東門爲大樓堊以黃土名曰黃
樓以土實勝水故也子由作黃樓賦先生跋云元

豐元年八月癸丑樓成九月庚辰大合樂以落之
今此碑無建立年月計樓成作賦當在元豐元年
九月以後矣樂城集與宋文鑑皆載此賦然集本
是明刻有不同處尙不足據文鑑是仿宋刻姑取
以互校而著其不同者熙寧十年七月乙丑鑑作
秋七月八月戊戌承及彭城鑑作彭城下完室隙
穴鑑無完字九月戊辰鑑作戌申調急走發禁所
鑑作調急夫發禁卒載糗餌以濟之鑑作糗糧梁
楚受害二十餘歲鑑作二十餘年斗酒相屬鑑作
中酒相屬俯見藜日鑑作落日金鉦涌於青嶂鑑
涌作薄前則項籍劉備鑑作劉戊猛士如林鑑作
成林擡臂長嘯鑑作振臂朱閣青黃鑑作青樓以
變化之無在鑑作知變化付杯酒於終日鑑作以
終日頽然而醉鑑作酒傾月墜鑑作河傾扶
攜而出鑑作攜扶蓋碑年不知何人所立或
不能無誤而文鑑亦或有傳刻之訛宜兩存之不
能定其孰是也河決澶淵賦序作七月乙丑年譜
作七月十七日宋史神宗紀作七月丙子遼史朔
考是年七月己酉朔乙丑正是十七日賦序年譜
合也丙子是二十八日則本紀爲不同殆聞之朝

金石萃編卷一百三十八
廷有遲速耶年譜云八月二十一日及徐州城下
賦序云八月戊戌水及彭城是月戊寅朔戊戌是
二十一日也至九月戊辰文鑑作戊申是月戊申
朔戊辰在二十一日水已及徐州城不應相距一
月始塞東西北門自戊戌至戊申十日而水甚宜
矣則文鑑不誤而碑譌也

金石萃編卷一百三十八

賜進士出身 誥授光祿大夫刑部右侍郎加七級王昶謨
宋 十六

渾王廟記

石橫廣二尺四寸四分高十尺八寸五分
分二十行行十四字正書在宜川縣

尚書屯田員外郎馬唐民記

淮南節度推官知丹州宜川縣郭仲益書

自古忠義之士立功於一時其心未必皆欲求聞於後
世然到于今有廟食而不絕者是蓋有德於後之人雖
載在祀典而歲月磨滅猶恐其名之失傳尔丹州舊郡

卽唐忠武渾王故封也廟直州之東財二里兩崖間
題之曰閩王廟前守王內口克嘗取本史新傳以載於
石今左藏高侯守丹之明年春以謝雨至祠下顧視
徘徊且謂僚屬按新舊書王未嘗以閩封又閩非國名
特閩與渾聲近之誤尔乃改榜爲渾王廟高侯通古
今善辯論尤勇於爲義如王之稱不正者久矣一旦遂
正之使其力所得而正者其決當如何

元豐二年三月初九日

左藏庫副使知丹州軍州事騎都尉高渙立石

廟在鳳翅山上在今縣之東南五里文云廟直丹州

之東一里在兩崖間者唐舊治也舊誤爲閩王廟以
閩渾聲近後左藏庫副使知丹州事高渙爲之改正

唐民撰文以紀其事

關中金
石記

按渾王卽渾瑊兩唐書有傳稱瑊本鐵勒九姓之
渾部也世爲皋蘭都督父釋之封寧朔郡王廣德
中與吐蕃戰歿城年十一善騎射事德宗屢立戰
功繇樓煩郡王徙咸寧咸寧者本丹州縣名唐置
周廢宋初復置太平興國初省入宜川碑故云丹
州舊郡卽唐忠武渾王故封也忠武乃瑊卒後所
加之謚尙非宋封唐爵祇郡王宋元豐三年八月

以禱雨有應乃即以謚為封號特封為忠武王有

牒見下碑

渾王廟牒

碑連額高七尺一寸八分廣四尺一寸三分共二十五行大字行三十二字小字行六十一字牒後有五
碩題記額題勅封忠武王
碑六字正書在宜川縣

中書門下牒

淮南節度推官知宜川縣事郭仲益書

尚書屯田員外郎致仕馬唐民題額

大常禮院奏准中書批送下丹州奏狀當州據宜川縣
狀申照會近於今年二月中為雨雪僊潤本州准都轉

運司牒准朝旨名山靈祠委長吏精虔祈禱尋知州

左藏率州縣官吏親詣本州鳳翅山唐忠武渾王廟精

虔祈禱迎聖水赴州應期得雨潤深一赤苗種並皆霑

足檢會渾王名城唐時封本州咸寧郡王其廟今土俗

呼為渾王土地廟內有聖泉病者飲之亦多得痊愈今

來依准朝旨祈求又便獲時雨之應顯是祈禱靈驗檢

會熙寧七年赦書節文應天下祠廟祈禱靈驗未有爵

號者當以名聞內雖有爵號而褒崇未稱者亦仰聞奏

本州勘會渾王名城在唐朝常立大功遂封本州咸寧

郡王廟食至今不絕凡有祈求悉皆應驗近以雨雪僊

潤本州於今年二月二十日承准都轉運司牒准朝旨
訪尋管下名山靈祠委所在長吏躬親精虔祈禱州司
尋帖宜川縣勘會據本縣狀申今州界有鳳翅山渾王
廟神靈兼有聖水可以祈禱本州知州左藏庫副使高
渙於當月二十三日躬親往詣精虔祈禱及迎聖水赴
州至當月二十九日三十日三月初一日初八日共四
次降雨一赤民田高下普遍霑足百姓歡呼豐年有望
兼勘會至和二年自冬至春不再有知州內殿承制閣
門祇候段隱禱於祠下尋獲嘉應爲文祭饗刻石在廟
前後公私祈禱並有神驗委是一州之內靈祠且朝廷
賞典必有功德被於民者然後行之況渾王城生有勲
勞已褒崇於勅號沒而英顯能福祐於州民今據宜川
縣狀備錄在前伏望朝廷特霽殊恩別加徽稱使其忠
義之靈不獨受榮於前世矣具狀奏聞候

勅旨狀前批送當院者當院看詳咸寧郡王廟圖經所
載祈禱有應緣自唐加封王號聖朝未曾褒崇合賜改
封王號伏候

勅旨

丹州咸寧郡王廟

牒奉

勅古之諸侯得祀其境內山川之神非使之徼福以利
乎已也蓋神之德及民則思所以報之眷言靈祠奠彼
邦服比因旱燠嘉澤應祈有司請焉宜有昭荅疏爵錫
號顯揚神休宜特封忠武王牒至准
勅故牒

元豐二年八月日牒

右諫議大夫叅知政事蔡假

禮部侍郎平章事王押

工部侍郎平章事吳押

元豐二年八月三十日

守宜川縣主簿馬安國

守司理叅軍寇臻

守司戶叅軍劉伯通

三班奉職監酒稅崔之平

右班殿直監酒稅賀宣

軍事推官權管勾通判公事王立賢

右班殿直管界巡檢張珪

左侍禁兵馬監押王安

前潞州上黨縣主簿指教方田朱定

左藏庫副使銀青光祿大夫檢校太子賓客兼御史

大夫知丹州軍州兼管內勸農事騎都尉平原縣開國伯食邑九伯戶高渙立石

余熙寧中充本州都知兵馬使時太守高公渙葺茲靈祠嚴乃神像命余督工於此因勸姓名于石至元豐初余方以勞受祿遂踐仕途從神帥經略深入虜庭討蕩比月保全而歸濫遷資級建中內任環慶將副擊疆擣虛累至戎境監宥州還愷告功亦累被

聖澤豈不賴明神主祐乎今挈家躬祀屈指往事

已二紀餘矣傷時口徒不覺慙然乘輿濡毫謾紀歲月時崇寧改元九月十五日西作坊使差知德順軍

水洛城王碩勉之題

碑側

側廣四寸五行字數與碑小字同

中書劄子

丹州咸寧郡王廟已降

勅命特封忠武王

右奉

聖旨宜令丹州差官往彼精虔祭告及造牌額安掛所有勅牒仰本廟收掌應有合行事件令太常禮院檢會施行劄付丹州准此

元豐二年八月八日 押 押

按陝西通志稱渾城廟中有惠澤水歲旱禱于此

此牒所載聖泉者是也牒後列銜三人署姓不署

名曰右諫議大夫叅知政事蔡者蔡確也蔡不署

押而注假字殆在告也禮部侍郎平章事王者王

珪也工部侍郎平章事吳者吳充也餘皆丹州屬

官無可攷碑書一尺作一赤古通用字方田之法

宋史食貨志載神宗患田賦不均熙寧五年修定

以東西南北各千步當四十一頃六十六畝一百

六六十步為一方歲以九月縣委令佐分地計量隨

陂原平澤而定其地因赤於黑疆而辨其色方量

畢以地及色叅定肥瘠而分五等以定稅則此碑

列銜內有朱定官潞州上黨縣主簿而以指教方

田系銜即所謂縣委令佐分地計量者也

龍井記

石高七尺六寸五分廣三尺五寸四分十八行行
四十字或三十八三十七字不等行書在錢塘縣

龍井舊名龍泓距錢唐千里吳赤烏中葛洪嘗鍊丹於

此事見圖經其地當西湖之西淞江之北風篁嶺之上

實深山中之泉也每歲旱請雨於宅祠不獲則禱于此

其禱輒應故相傳以為有龍居之然泉者山之精氣所

發也西湖深靜空闊納光景而涵煙霏草木名花之所
附麗龜蟲魚鳥之所紆餘而成文陰晴之中各有異態
而不可以言盡也故岸湖之山多爲所誘而不克以爲
泉澗江介於吳越之間一晝一夜之間濤頭自海而生
者再疾擊而遠馳兕馬駭而風雨怒遇者摧當者壞乘
高而望之使人髦髮盡立心掉而不禁故岸江之山多
爲所脅而不暇以爲泉惟此地蟠居而踞阻內無靡曼
之誘以散越其精外無豪悍之脅以虧疎其氣故嶺之
左右大率多泉龍井其尤者也夫畜之深者發之遠其
養也不苟則其施也有無窮龍井之德有至於是有者則
其爲龍之託也亦奚疑哉元豐二年才大師自天竺謝
講席退休於此山之壽聖院院去龍井一里凡山中之
人有事於錢唐與游客之將至壽聖者皆取道於井旁
師乃卽其處爲亭又率其徒以浮圖環而咒之庶幾慰
夫所謂龍者俄有大魚自泉中躍出觀者異焉然後知
井有龍耳其名由此益大聞於時是歲余自淮南如越
省親過錢唐訪師於山中師杖策送余於風篁嶺指龍
井曰此泉之德至矣美如西湖不能淫之使遷壯如浙
江不能威之使屈受天地之中含陰陽之和推其緒餘
以澤萬物雖古有道之士何以於此蓋爲我記之余曰

唯唯

淮海秦觀為才大師撰楚國米芾書

雲間董其昌為方伯斗垣周公臨

此文見淮海集龍井有此碑乃米元章書今已不復

存但有方圓庵記余倣米法以補之壬戌元正晦秉

燭記其昌錢塘門人金嘉會摹勒上石

天水尹希賓嘗蓄米老所書秦太虛龍井記石本字

人畫雄放但其文惜多缺處其子寬因錄全文於前以

便讀者詎吾友史明古求余題之尹君之意雖為故

物重然亦重乎米書而又不無不重乎太虛之文也

君如重其文則太虛又嘗有龍井題名記及東坡跋

語更錄以附於後則不獨全龍井之文且并龍井之

事全矣余方與明古約同游杭預期日月而龍井者

杭之勝處也至則當按記文所載次第登覽亦將為

數語以續古人歸其為君再書以附之

匏翁家藏集

按此記米芾書者原碑已佚今所存者明董文敏

補書今取西湖志所載此記校之互異之處甚多

然恐各有訛誤不敢據志以改碑其小有增易之

字無關文義者不具論姑舉其大者如碑云實深

山中之泉也志云實深山亂石中之泉也碑云草

木名花之所附麗龜蟲魚鳥之所紆餘而成文志云菱芡荷花之所附麗龜魚鳥蟲之所依憑漫衍而不迫紆餘以成文碑云以浮圖環而咒之志云以浮屠法環而咒之碑云含陰陽之和志云資陰陽之和以養其源碑云何以於此志云又何以加於此此數處似碑顯有脫誤而志較優也宋史本傳秦觀應舉爲親養始登第調定海主簿此記云余自淮南如越省親過錢塘訪師於山中不言官定海又無從攷其親之因何在越然其過錢塘則當在是時也西湖遊覽志載其遊龍井寺記云元

豐三年中秋後一日余自吳興道杭東還會稽龍井有辨才大師以書邀余入山然則撰此記卽在元豐三年矣米芾傳生平未嘗至杭西湖志名賢亦不列芾名其書此碑不知其何因姑存而不論辨才有傳見咸淳臨安志云元淨本姓徐字無象於潛人十歲出家受業於慈雲年二十五賜紫衣及辨才號沈邁治杭命住上天竺增室萬礎重樓傑閣冠于浙西居十七年有奪之者遂還於潛逾年復歸天竺趙抃贊之曰師去天竺山空鬼哭天竺師歸道場光輝留三年謝去老于南山龍井之

上精修行業元祐八年示寂壽八十一由元祐八
年逆推至元豐二年是其退居龍井壽聖院得十
五年壽聖院俗稱龍井寺西湖遊覽志云唐乾祐
二年居民凌霄募緣建為報國看經院宋熙寧中
改壽聖院蘇子瞻書云元豐三年辨才禪師自天
竺歸老于此咸淳臨安志龍井山川勝槩一時呈
露而二蘇趙秦諸賢皆與辨才為方外交名章大
篇照映泉石蓋此記亦在內矣

閻使君祠記

石橫廣二尺七寸高二尺一寸五分
十九行行十九字正書在宜川縣

□□使君祠口後記

尚書屯田員外郎致仕馬唐民記

淮南節度推官知丹州宜川縣事郭仲益書

□□□□在三堡原唐高宗永徽辛亥

閻使君口口

□□□地狹而峻遷於丹陽川之口昭宗景口口刺使

王公惜其德施於人而名晦不顯因訪口舊得使君故

塋於西嶺構屋而祠之并刻其記口豐戊午今

守高侯下車謁其祠殆不忍視雖記石尙毀剝賴可辨

遂命復葺并修其墳列木以環之將續其記且曰舊文

殘缺不尔則無以見於後

高侯累守邊郡遇與人

講求利害事不啻若親任其責自到丹每顧視城壁樓櫓常謂未盡口口口何暇應敵監司上其言朝

廷口口自二月已起功復建言請接山城以備不虞議亦垂下因思自永徽辛亥至今庚申實四百三十年中間更幾守方無事時其相繼能遠慮者不知凡有幾因記之并以告使君

左藏庫副使銀青光祿大夫檢校太子賓客兼御史大夫知丹州軍州兼管內勸農事騎都尉平原縣開國伯食邑九百戶高渙立石

按閣使君碑泐其名唐書惟閣濟美新書附盧坦傳舊書入良吏傳然係貞元時非高宗永徽時

餘無有閣姓之在高宗時官宜川者陝西通志名宦傳亦不載唐時閣姓之官監牧守令者碑云得使君故塋于西嶺構屋而祠之通志陵墓祠祀兩門亦俱無攷高渙宋史又無傳惟碑云地狹而峻遷於丹陽川之口丹陽州卽丹陽水亦卽丹水在宜川縣西南水經注丹水出丹陽山東北逕丹陽城東又東北合白水口又東入于河元和郡縣志西魏置丹州因丹陽川爲名太平寰宇記蒲州水自鄜川洛川縣流入丹陽川玩碑文語意似係遷

金石錄卷之二十一
城于丹陽川口者然通志城池條下亦不詳志乘
缺略如此識以備攷

郭恕先神在二大字

石高七尺三寸餘廣四尺二寸五分下截左偏
有王臨題記三行行廿三廿四字草書在歷城

神

興德城南泰山廟東廊壁上神在二字世傳郭恕先
之筆命意既異固非凡俗所能爲者因模刻石以存
不朽元豐三年四月望日尙書兵部郎中直昭文館
知軍州事上柱國王臨題

右刻神在二字字徑二尺七寸筆畫轉折處皆間以

雙鈎黑線旁有王臨題字三行行書徑一寸

山左金石志

按此碑在濟南府城內舜井前歷城縣志稱舜泉
在舜祠東一名舜井卽太平寰宇記所云舜井在

縣東一百步舜所穿之井也今之濟南在宋元豐

時爲齊州興德軍碑故云興德城南也王臨史附

王廣淵傳廣淵大名成安人弟臨字大觀起進士

治平中詔求武略用近臣薦自屯田員外郎換崇

儀使知順安軍改河北沿邊安撫都監進安撫副

使歷知涇鄜州廣信安肅軍召對還文階知齊州

碑系銜尙書兵部郎中直昭文館史俱畧之

孫真人祠記

碑高五尺八寸四分廣二尺九寸三十七行行八十字正書在耀州

耀州華原縣五臺山孫真人祠記

華原本京兆屬邑後建而爲列郡曰耀今其名矣然環耀多山水其城之東有水曰沮沮水之東二三里有山曰五臺其峯回環相望者有五因以名焉其間翹楚卓立最出諸峯至絕頂者有之廟曰崇福觀嘗聞者老傳之曰今之觀在昔孫真人舊隱之地其後經五代之亂隱閭荒毀後人崇之流而爲老氏然登是山也或升或降或回或直或細而幾絕或平而復緩怪石峻嶒松檜夾密者山間之逕也及其至也老本叅天枯枝屈地門庭瀟灑殿宇崢嶸以至就高而爲危閣依龕而爲洞房下瞰城隅而影浸碧水者山之臺崇福也陰森院落清楚庭蕪像貌聳秀精神溫粹左童侍而右虎伏者真人之新堂也其次北也循而行之或下則幽谷窈然而深藏或上則山勢聳然而特立嶄巖險阻逕幾不通其回旋數曲有洞邃然洞幽而深人莫能測其宏廣也則如宇之斯大者真人舊隱之所也然舊隱之所去百有餘步今尙存者殘碑壞碣或湮或滅不復究矣幸而近足以取鄉里之詳傳遠足以有新舊二史之可驗叅之以

考其所爲稽之以質其行事庶幾爲可紀焉故案唐史云孫思邈京兆華原人始七歲就學日誦千餘言通百家說善言老子莊周周洛州總管獨孤信見其少而異之曰聖童也顧器大難爲用爾長居太白山隋文帝輔政以國子博士召不拜密語人曰後五十年有口聖人出吾且助之太宗初召詣京師年已老而聽視聰瞭帝歎曰有道者欲官之不受顯慶中復召見拜諫議大夫固辭上元元年稱疾還山高宗賜良馬假鄱陽公主邑司以居之思邈於陰陽推步醫藥無不善孟詵盧照鄰等師事之照鄰有惡疾不可爲感而問曰高醫愈疾柰何荅曰天有四時五行寒暑迭居和爲雨怒爲風凝爲雪霜張爲虹蜺天常數也人之四支五臟一覺一寐吐納往來流爲榮衛章爲氣色發爲音聲人常數也陽用其形陰用其精天之所同也失則蒸生熱否生寒結爲癰贅陷爲癰疽奔則喘乏竭則焦槁發乎面動乎形天地亦然五緯縮贏孛彗飛流其危診也寒暑不時其蒸否也石立土踊是其癰贅山崩土陷是其癰疽奔風暴雨其喘乏川瀆竭涸其焦槁高醫導以藥石救以鈇劑聖人和以至德輔以人事故體有可愈之疾天有可振之災照鄰曰人事柰何曰心爲之君君尙欽故欲小詩曰

如臨深淵如履薄冰小之謂也膽爲之將以果決爲務
故欲大詩曰赳赳武夫公侯干城大之謂也仁者靜地
之象故欲方傳曰不爲利回不爲義疚方之謂也智欲
動天之象故欲圓易曰見機而作不俟終日圓之謂也
復問養性之要荅曰天有盈虛人有屯危不自慎不能
濟也故養性必先知自慎也慎以畏爲本故士無畏則
簡仁義農無畏則墮稼穡工無畏則慢規矩商無畏則
貨不殖子無畏則忘孝父無畏則廢慈臣無畏則勲不
立君無畏則亂不治是以太上畏道其次畏天其次畏
物其次畏人其次畏身憂於身者不拘於人畏於己者
不制於彼慎於小者不懼於大戒於近者不侮於遠知
此則人事盡矣初魏徵等修齊梁周隋五家史屢咨所
遺其傳最詳永淳中卒年百餘歲遺令薄葬不藏明器
祭去牲牢經月餘顏貌不改舉屍就木有若空衣時人
異之時東臺侍郎孫處約嘗以諸子見思邈曰俊先顯
侑晚貴佞禍在執兵後皆驗太子詹事盧齊卿之少也
思邈曰後五十年位方伯吾孫屬吏願自愛時思邈之
孫溥尙未生及溥爲蕭丞而齊卿徐州刺史注老子莊
子撰千金方三十卷行於代又撰福祿論三卷攝生真
錄及枕中素書會三教論各一卷子行天授中爲鳳閣

侍郎此皆新舊二史之文也至於耆老之所傳道家之所紀所載尤詳云自開元中復隱於終南山與僧藏者鄰谷而棲一旦有老叟老嫗詣僧藏所隱之處倉皇求救曰某等昆明池龍也有胡僧者利龍宮寶貨乘以天昆就池祈雨誣罔國家以法欲涸其池一日池乾水涸其寶貨卽爲胡僧所有某等當受謫於上帝願師憐之藏曰此事非吾所能爲也鄰谷孫處士有神僊變化之術可以禦焉汝速叩之龍如其言以其事白於先生荅曰此誠末事但歸無苦僧當自遁矣龍旣歸昆明之水復舊而胡僧竄伏而之它明日忽有人攜仙方而至曰此非人間之所有昨日慈救之恩而珠玉不足以爲荅某不免冒禁以獻之所貴酬報之厚爾其後交遊往來莫非有道達理之士忽謂先生曰所著千金方濟物之功亦廣矣然以物命爲藥害物亦多後功滿日必爲尸解不得白日輕舉矣於是先生仍以草木之藥以代昆虫鳥獸之命作千金翼三十篇篇有神僊方論以行於世天寶初廟諱宗晏處別殿先生乘御雲鶴而降白於上曰臣於峨嵋山南峯修煉丹石所闕者武都山雄黃願少賜之以助爐鼎之用敕遣中使陳忠成資雄黃就山以賜之使至山下求訪信宿皆莫知其所遂置雄黃

於盤石之上焚香宣詔俄而見形謂使者曰但留雄黃當自取之石上有謝表請謹錄以奏主上視之果有朱書錄僅畢字亦隨化不復見矣自是之後或隱或見人莫能測咸通末山下居民有子纔十餘歲不飲酒不茹葷父母憐其性善遂遣於白水院爲僧童子忽一日有遊山者自云孫處士趨步周遊旣而就座袖中出藥以授童子命而煎之旣至微飲餘者以贈小童童旣飲之便覺神爽須臾處士以歸小童亦乘空而去復視煎藥之器已成金矣時人異之此皆自古及今鄉里耆艾眾所共傳也夫真人之道上通天地陰陽盈虛之理下達萬物性命消息之微先機逆數知來藏往則有幾於神或隱或見乘雲氣御飛龍而遊乎六極之外則有達於僊惟神也與道爲一而無方惟僊也與天地同久而無死無方故其道莫能測無死故其神莫能滅故世以爲神僊而後世之士無賢愚貴賤莫不聞其風而愛戴之又況夫處性澹泊而不爲利役操心寂寞而不爲名累者乎故今數百年之後高尚有道之士與夫大醫名藥所以爭相塑繪以欽事之而尙未息也郡人万俟景其先祖宗世不喜名利以修心養性爲務常慕至人好求古迹因訪孫真人故鄉乃至華原因以居焉故其後子

孫或以醫藥名聞於一時或以肆意不顯於當世至景
之時蓋數世矣然尚不忘祖宗之業每遊真人故宅觀
其遺跡舊基慨然有感乃備私錢基構堂宇塑繪像貌
經之營之僅費十餘萬而規摹方備孜孜勉勉爲力勤
矣時嘉祐己亥四月畢工景之弟祐亦紹祖風而得真
人方術秘錄及治心養性之術最爲多矣後二十三年
忽一日訪瓏曰有道者非稱則不顯有德者非彰則不
明真人可謂有道德者也堂旣修而嚴奉之誠則至矣
然無文以紀之則不足以顯揚至道美德非所謂仰慕
之至者也強獻爲記獻忝與其子完爲友故不獲已而
書之雖然道不可以言傳非言則無以見道德不可以
文顯非文則無以彰德至於一語默一行止豈加損哉
本諸二史之記質諸好事之傳始誌其實而已元豐四
年歲次辛酉四月初一日鄉貢進士王瓏記

元豐四年歲次辛酉六月一日渤海万俟祐立石
男進士完檢校寧寔寔同立石

真人生于華原以碩德隱操顯于隋唐間其豐功厚
利拯濟羣生者于今六百年矣雖飛昇之久而一方
有雨暘之求則昭應也如響病者有藥餌之請則對
證而受賜其異跡顯狀焜耀後世若此故崇寧間賜

廟額曰靜應封爲妙應真人其後改爲靜明觀而普天之下莫不景仰其高風焉故郡人万俟景之先人自他州而徙居真人之鄉縣者已數世矣至景而自辦財力特爲真人修堂塑像以表其欽事之意其後景之弟曰祐乃求文於里人王先生以爲記其言典實詳贍傳誦于鄉里者垂九十年然碑石狹小字畫纖細而祐之孫曰善深又恐歲月之久或致漫滅乃別礪巨石募善工以刊前記仍刻真人之像於其碑首使來者瞻像讀文以起敬慕之心焉遂以前碑龕于真人舊隱之洞新碑旣成善深求余敘其本末其清信向善兼能不墜其先人之志如此有足嘉者豈可不爲書之里人米孝思謹跋

大定九年歲次己丑七月乙卯朔初八日壬戌万俟善深并弟衍重建

施碑座人進士宋九齡 同檢校人趙潤劉勉

進士易椿年王演 進士楊礪

畫像人杜穆

万俟善深男端并彥同捨己財立石

華原劉紹彭刊

文云華原本京兆屬邑後建爲別郡曰耀其城之東

金石錄卷一百三十六
有沮水水東二二里有山曰五臺爲孫真人舊隱之
地案今沮水在州城之西是城亦非華原舊築矣五
臺山本名風孔山長安志云風孔山在華原縣東五
里今山在城東猶二二里稽以道里以長安志爲是
碑云在水東二二里者恐非也碑又云有昆明池龍
胡僧利其寶貨取去求救于真人真人因得其方書
此事出酉陽雜俎云胡僧利其腦非寶貨也續仙傳
云千金方以救龍子得之與此說異今千金方書前
有真人自敘惟言集古方書知此說近誕用以博異

聞焉可耳

關中金
石說

東坡集歸去來辭詩

石橫廣三尺六寸八分高三尺四寸五分作三截
書每截十八行行七字八字不等行書在西安府

眉山軾書

予喜淵明歸去來辭因集字爲詩六首

命駕欲何向欣欣春木榮世人無往復鄉老自將迎雲

內流泉遠風前飛鳥輕相攜就衡宇酌酒話交情

涉世恨形役告休成老夫良欣就歸路不復向迷途去

去徑猶菊行行田欲蕪情親有還往清酒引觴壺

與世不相人膝琴聊盡歡風光歸笑傲雲物寄游觀言

語審無倦心懷良獨安東臯清有趣植杖日盤桓

雲岫不知遠巾車行復前僕夫尋老木童子引清泉矯
首獨傲世委心懷樂天農夫告春事扶老向良田
世事非吾事駕言鄉路尋向時迷有命今日悟無心亭
內菊歸酒窗前風入棊寓形知己老猶未倦登臨
富貴良非願鄉關歸去休攜棊已尋壑載酒復經丘翳
翳景將入涓涓泉欲流老農人未樂我獨與之遊

元豐四年九月廿二日

按東坡集歸去來辭五律詩今見於施注蘇詩在
續補遺卷中有十首此但刻六首與施注本互校
有不同者鄉老自將迎施作有逢迎去去徑猶菊
施作徑有菊注云一作猶清酒引觴壺施作引樽
壺膝棊聊盡歡施作聊自歡注云一作盡言語審
無倦施作言話委心懷樂天施作還樂天駕言鄉
路尋施作歸路尋老農人未樂施作農夫人不樂
互異如此竟不能定其孰是也東坡先生年譜元
豐四年辛酉先生在黃州其集歸去來辭詩年譜
不爲敘及施注本續補遺又不述此詩之所由來
此刻署云眉山軾書後署歲月而無刻石題識不
言立於何所據寰宇訪碑錄云在陝西長安想有
据也書畫跋跋謂延祐乙卯彭澤縣摹刻後有題

跋六行是別一本又云王弇州司寇于文休承處見佳臨本此又是一本墨林快事謂書之以遺契順者弇州譏其以三錢鷄毛筆所書蒼潤軒跋謂契順間關萬里只求長公一書此亦別是一本後有跋云在淦謝繩正家後題彭鏞拜觀又鄒文場金固同觀又云王汝玉刻石于潯陽又云此書極佳摹八晚香堂帖然則摹本不一而總無有言及長安本者姑詳識之以備攷

興教寺玉峯軒記

石高廣俱二尺一寸五分十八行行十八字隸書在西安府

京兆府萬年縣興教寺玉峯軒記

龍圖閣直學士呂公帥雍之明年出奉祠事道過樊川之興教寺公命卽其口口以爲軒旣而告成主僧晏靜請議而名之口口以謂滴水之源冠于樊口口興教所據口口俯大澤有岡分行以翼其前有林茂植以蔽其後南有大山巒岼矗出列若屏幃口口擁抱口於軒前其名曰玉案山樊川自韋曲口東口口兩岡至此則原隰平口山水秀麗有若下巖口而遊乎廣莫之野出巫峽而泛乎洞庭之淵襟宇翛然瞻顧無闕登之者足以騁懷於界外口目於太虛矣雖宇宙之大品類之眾

遺形反照有以寄一於無窮則軒之意豈止於斯而已哉至其夷曠口樂疎通明遠亦足以見公之口焉是軒之成不可以無記也口題之曰玉峯軒云前河南府法曹叅軍權縣事陳正舉記

元豐四年十二月一日

口閣直學士朝散郎充永興軍路馬步軍都總管安撫使兼知軍府事呂大防

興教寺舊在樊川呂大防帥雍奉祠事而道經于此即其地為軒題曰玉峯今記後署銜龍圖直學士朝散郎充永興軍路馬步軍都總管安撫使兼知軍府

事較宋史本傳除龍圖待制知秦州元豐初徙永興者為詳然記言雍州而傳言秦州則記者以古疆域

名之也 金石跋授堂

溫泉雙皂笏行

石高二尺八分廣一尺八寸四分共十八行行十八字隸書在臨潼縣

衛尉寺丞知臨潼縣事陳叔度

綠菜森森迎曉日雙雙暗結秋霜實乾坤造化借風流

陰靈滑稽為誰匹一帶雙葩心雨同風刀雨線神其功

中官始奏獻奇異祥圖瑞牒揮毫鋒四海萬方只一株

繚以周墻百丈餘從此宮娃共爭取攀援棘刺血羅襦

採得溫泉奉金輦雪瑩皮膚紅玉暖合歡堂前此物生
上皇却笑天機淺

皇祐中 吾先君作宰是邑政務清簡時多暇豫客
有至者相與登遊覽古終日忘返以至發於吟詠形
爲歌詩故見於家集者華清之作爲尤多元豐中西
師之役邑令以召命之涇原正舉承乏于斯於靈泉
觀梁棟間有故榜存焉觀之則 先君所爲雙皂筴
行也觀主郭居隆請欸諸石以永其傳元豐五季秋
七月十有一日安化陳正舉記 道士梁宗道刊

按陝西通志華清宮四聖殿東有怪柏朝元閣南

有連理木而獨不及此雙早筴此碑完善不泐一
字存之可以補通志之漏畧

謝卿材饒益寺題名

石高二尺六寸四分廣一尺九寸七行行七字正書在朝邑縣

朝散大夫臨淄

謝卿材仲適元豐癸亥被

詔自

歷下移守馮翊三月二十六日過饒益寺題

住持賜紫智欽 立石 蒲人焦元亨模刻

按謝卿材見續通鑑長編載元祐八年二月淮南
等路發運副使謝卿材知相州又欒城集有謝卿
材自陝漕徙河北轉運使告辭此皆卿材之歷官

也東坡詩集有謝運使仲適座上送王敏仲北使
詩卽卿材也舊注蘇詩皆缺今馮應榴注極詳癸
亥爲元豐六年題云自歷下移守馮翊又可知其
元祐以前之官矣

方圓菴記

碑高五尺六寸五分廣三尺五寸七分十七
行行四十八或四十九字行書在錢塘縣

杭州龍井山方圓庵記

天竺辨才法師以智者教傳四十年學者如歸四方風
靡於是晦者明窒者通大小之機無不遂者不居其功
不宿於名乃辭其交游去其弟子而求于寂寞之濱得
龍井之居以隱焉南山守一往見之過龍泓登風篁嶺
引目周覽以索其居岌然羣峯密圍溜口口不蔽翳四
顧若失莫知其鄉逡巡下危證行深林得之于烟雲髮
髯之間遂造而揖之法師引予並席而坐相視而笑徐
曰子胡來子曰願有觀焉法師曰子固觀矣而又將奚
觀子笑曰然法師命予入由照閣經寂室指其庵而言
曰此吾佛亦如之使吾黨祝髮以圓其頂壞色以方其
袍乃欲其煩惱盡而理體圓定慧修而德相顯也蓋溺
於理而不達於事迷於事而不明於理者皆不可謂之
沙門以制禮樂爲衣裳至於舟車器械宮室之爲皆則

而象之故儒者冠圓冠以知天時履句履以知地形蓋蔽於天而不知人蔽於人而不知天者皆不可謂之真儒矣唯能通天地人者真儒矣唯能理事一如向無異觀者其真沙門歟噫人之處乎覆載之內陶乎教化之中具其形服其服用其器而於其居也特不然哉吾所以爲是庵也然則吾直以是爲蘧廬尔若夫以法性之圓事相之方而規矩一切則之所以休息乎此也窺其制則圓蓋而方址予謁之曰夫釋子之寢或爲方丈或爲圓廬而是庵也胡爲而然哉法師曰子旣得之矣雖然試爲子言之夫形而上者渾淪周徧非方非圓而能

成方圓者也形而下者或得於方或得於圓或兼斯二者而不能無悖者也夫至於天地近止乎一身無不然故天得之則運而無積地得之則靜而無變是以天圓而地方人位乎天地之間則首足具二者之形矣蓋宇宙雖大不離其內秋毫雖小待之成躰故凡有貌象聲色者無巨細無古今皆不能出於方圓之內也所以古先哲王因之也雖然此遊方之內者也至於諸法同體而無自位萬物各得而不相知皆藏乎不深之度而游乎无端之紀則是庵也爲無相之庵而吾亦將以無所住而住焉當是時也子奚往而觀乎嗚呼理圓也語

金石錄卷一百三十六
方也吾當忘言與之以無所觀而觀之於是嗒然隱几
子出以法師之說授其門弟子使記焉

元豐癸亥四月九日慧日峯守一記不二作此文成
過予愛之因書 鹿門居士米元章

此米字之最有利聲合作者乃以庵之增修好事者適
得米老舊榻以捕亡而恰遇一顛倒裝潢者錯其先
後遂據之入石虎林遊人如織莫有爲之是政者余
早得此本亦以爲裝家誤旋入杭摩娑石下依然誤
也因另搨一帛爲之改裝則文從理順不致詢一公
爲僮胡顛士爲糊目矣欲再一正其石而匆匆北歸
當賒此恨因識于此

墨林快事

按西湖志方圓菴在龍井延恩衍慶院

即壽聖院

但載

楊傑張雨二詩而不載此記惟碑碣門載此碑名

云有萬歷丁酉仲夏知仁和縣事晉陵口口跋今

此搨失去後跋攷杭州府志職官志仁和知縣胡

澄武進人萬歷二十一年任當卽其人

第一山字

碑高八尺五寸七分廣四尺五分行書在整厓縣

米芾書

第一山

終南山古樓觀道祖說經臺立

此刻在盱眙縣中南樓觀石乃摹刻耳縱逸飛動殊

有一夫當關之勢

石墨鐫華

第一山芾行書字方六七寸奇偉秀麗在盱眙縣此

其摹刻者也

考槃餘事

李伯時陽關歸去來圖并浮休居士詩

石橫畫二圖統高三尺八寸五分廣二尺三寸兩截

下截皆圖上截一寫陽關圖詩四十八行行八字一寫歸去來辭後半已缺僅存二十二行行七字正書

李伯時畫陽關圖

京地安汾叟赴辟臨泚幕府南舒李伯時自畫陽關

圖并詩以送行浮休居士為繼其後

古人送行贈以言李君送人兼以畫自寫陽關万里情

奉送安西從辟者澄心古紙白如銀筆墨輕清意瀟洒

短亭離筵列歌舞亭下誼誼簇車馬溪邊一叟靜垂綸

橋畔俄逢兩負薪掣臂蒼鷹隨獵犬聳耳駟驢扶隻輪

長安陌上多豪俠正值春風三二月分明朝雨浥輕塵

客舍青青柳色新主人舉杯苦勸客道是西征無故人

慙慙一曲歌未闕歌者背面沾羅巾酒闌童僕各辭親

結束鞬滕意氣振稚子牽衣老人哭道上行客皆酸辛

唯有溪邊釣魚叟寂寂投竿如不聞李君此畫何容易

畫出漁樵有深意爲道世間離別人若箇不因名與利
紅蓮幕府盡奇才家近南山紫翠堆烜赫朱門當巷陌
潺湲流水遶亭臺當軒怪石人稀見夾道長松手自栽
靜鎖園林鸚鵡對語密穿堂戶鶯鶯回試問主人翁在何所
近向安西幕府開歌舞教成頭已白功名未立老相催
西山東國不我與造父王良安在哉已卜買田箕嶺下
更看築室潁河隈憑君傳語王摩詰畫箇陶潛歸去來
陶淵明歸去來辭文不錄

按此詩不著作者姓名宋史張舜民傳舜民字芸
叟自號浮休居士則詩爲張舜民作也舜民中進
士第哲宗初以司馬光薦爲館閣校勘則哲宗以
前未入仕也此詩題稱京兆安汾叟赴辟臨洮幕
府南舒李伯時自畫陽關圖并詩以送行浮休居
士爲繼其後安汾叟不知其人臨洮幕府者据宋
詩紀事載舜民詩有西征回途中二絕後引東坡
題跋舜民通練西事從高遵裕西征回途中作二
絕句云云宋神宗本紀高遵裕爲環慶經略使在
元豐四年時舜民當在其幕府五年正月遵裕被
貶爲郢州團練副使舜民因從之而回則此詩當
作於幕府將回時矣遵裕傳初知通遠軍其時安

無使王韶復洮隴取河州所謂臨洮幕府或卽王韶而安汾叟與伯時芸叟同在高幕赴辟將行因有此畫與詩也玩畫陽關圖命意及舜民詩與書歸去來辭似送者皆有不得意之象則遵裕被貶而回也宋詩紀事載此詩采聲畫集非据此碑今彼此互校惟二字不同亭下誼誼簇車馬紀事作亭亭慙慙一曲歌未闕紀事作歌者闕似石刻較勝伯時作畫并詩今伯時之詩無從考矣碑無年月及刻石姓名考作詩約在元豐五年因附之

韓魏公祠堂記

碑高一丈四寸五分廣四尺九寸一十行行四十八字正書在安陽縣

北京韓魏公祠堂記

沒而祠之禮也由漢以來牧守有惠政於民者民或爲之生祠雖非先王之制皆發於人心之去思亦不可廢也然年時浸遠人浸忘之惟唐狄梁公爲魏州刺史屬契丹寇河北梁公省徹戰守之備撫綏彫弊之民民安而虜自退魏人祠之至今血食熙寧初河北水溢地大震官寺民居蕩覆者大半詔以淮南節度使司徒

兼侍中韓魏公爲河北巡撫使判大名府兼北京留守公旣至愛民如愛子治民如治家去其疾忘已之疾閔

其勞忘已之勞口口居者以安流者以遠飢者以充乏者以足羣心既和歲則屢豐在魏五年徙判相州魏人涕泣遮止數日乃得去魏人思公而不得見相與立祠於熙寧禪院塑公像而事之後三年公薨於相州魏人聞之爭奔走哭祠下雲合而雷動連日乃稍息自是每逢公生及違世之日皆來致祠及作佛事未嘗少懈噫公之德及一方功施一時者魏人固知之矣至於德及海內功施後世者亦嘗知之乎公爲口相十年當

仁宗之末公臨英宗之初

朝廷多故公臨大節處

危疑苟利

國家知無不爲若湍水之赴深壑無所

疑口口諫曰公所爲如是誠善萬一蹉跌豈惟身不自保恐家無處所始非明哲之所向也公歎曰此何言也凡爲人臣口盡心力口口死生以之顧事之是非何如耳至於成敗天也豈可豫憂其不成遂輟不爲哉聞者愧服其忠勇如此故口光口

三后大濟艱難使

中外之人嘯嗷嬉遊自若曾無驚視傾聽竊語之警坐置天下於太平公之力也嗚呼公與狄梁公皆有惠政於魏故魏人祠之然其爲遠近所尊慕年時雖遠而不毀非有大功於

社稷爲神祇所相祐能如是乎然

梁公之功顯天下皆知之魏公之功隱天下或未能盡

知也然則魏公不又賢乎宜其與梁公之祠並立於魏
 享祀無窮也公薨後九年魏人以狀抵西京俾光爲記
 將刻於石竊惟梁公二碑乃李邕馮宿之文光實何人
 敢不自量顧魏人之口口口口口又欲以其所未知者
 諗之故不敢辭時元豐七年六月丙戌涑水司馬光記
 安武軍節度冀州管內觀察處置等使持節冀州諸
 軍事冀州刺史充河東路經略安撫使兼馬步軍都
 總管兼知太原軍府事及管內勸農使上柱國廣陵
 郡開國公食邑二千口百戶食實封口口戶

下調

資政殿大學士右光祿大夫知揚州軍州事兼管內

勸農使充淮南東路兵馬鈐轄上柱國馮翊郡開國

公

下調

資政殿學士通議大夫知大名府兼北京留守司公

事畿內勸農使充大名府路安撫使馬步軍都總管

護軍河東

下調

碑下半漫滅缺書人名以字體知爲蔡襄筆也琦廟

在畫錦坊

中州金石記

按碑載溫公集以石本校之民或爲之生祠集本

無民字皆發於人心之去思集本無心字公既至

集本無至字及作佛事集本無及字盡心力以事

君集本無心字餘缺字皆如原缺以溫公集世皆知之不必補贅也魏公宋史本傳云在魏都人為立生祠即指此事然碑既立於大名不稔何以重刻此文於書錦堂之陰初疑前明人摹勒為之及攷韓魏王新廟碑元高書訓所撰也已云歐陽司馬馬二公之記蔡端明之字光燄萬丈照映千古云云是溫公文在元時已置此矣河朔訪古記韓魏王廟庭西書錦堂記碑一通至元間再摹而刻蓋魏都生祠碑轉摹於此石之陰當以此時也碑後題銜凡三皆殘缺有馬步軍都總管銜嘉泰會稽

志國初節度使領馬步軍都步署英宗即位避御名改稱都總管其後守臣兼一路安撫使者皆帶馬步軍都總管此三題銜在元豐七年正以避諱不稱都步署至所帶銜亦由大名河東各為一路故蒞安撫使者循之

安陽縣志

粟子山題名

石高廣皆二尺六寸八行
行八字在偃師縣永慶寺

楊世長李希呂昭口邢綬馮建康宣趙洗侯威劉亨崔
邁蘭育徐京馮規同修奉
神宗皇帝山陵轄兵

粟子山般運石段常由是邑元豐八年七月既望謹題

記歲月
霍希範刻

億按修奉神宗山陵諸臣題名自楊世長而下凡十
三人官爵史無可考蓋皆小臣奉使者故不具書也

偃師金石錄

按神宗以元豐八年三月戊戌崩十月乙酉葬於
永裕陵故修陵在七月也然神宗廟號以九月戊
戌加上此當七月已見於題記殆上謚冊在九月
而廟號蚤定中外皆知故得先書於石耶神宗陵
在九山東北麓九山今名白雲山在鞏縣西南七
十里粟子山者攷偃師縣志有委粟嶺在縣西南

五十里舊志云宋修陵採石委粟於此故名豈即
謂此粟子山耶詳見後卷宣仁后山陵採石記

惠明寺舍利塔銘

碑高九尺四寸五分廣四尺六寸其二
十四行行六十二字正書在太原府

太原故城惠明寺舍利塔碑銘

資政殿大學士正議大夫河東路經略安撫使兼馬
步軍都總管兼知太原軍府事及管內勸農使護軍
東平郡開國侯食邑一千一百戶呂惠卿撰并書

朝請郎權發遣河東路提點刑獄公事兼本路勸農
提舉河渠公事上護軍賜緋魚袋借紫范子諒篆額

太平興國四年春 太宗皇帝征劉繼元於河東夏五

月癸未繼元降 詔壞故城遷口民於新邑而惠明寺

實創於隋仁壽之初而其塔則佛書以為阿育王所造

舍利塔八萬四千之一也既壞而光見 詔為之復建

咸平二年三月壬戌大震電風寺塔災六年冬 朝廷

遣內侍王守真等發諸州兵一千三百人修之景德三

年七月塔成累甃九級其崇一百五十有八尺 詔以

汾州僧啓麟主寺事賜金書隨求九軸歲度僧五人大

中祥符二年 詔廣堂廬五十有四間以東封泰山所

得芝草十有一本賜之自塔復建至今元豐八年凡八

十有一年矣而惠卿使河東實兼領太原軍府事寺僧

惠素以碑刻未立口文以紀之惠卿嘗觀自有書契以

來聖人之得志行乎中國者其聲教所暨不過文軌之

所同而已則其在下而傳其道以服乎天下者從可知

也至西方有佛口者出則非嘗得志而行乎中國又非

傳其道以服乎天下者也而浮行之所通聞見之所接

雖殊言異聞莫不為之累譯以習其書雖易服變貌莫

不為之設祠以禮其像非特若是也幽至於山岳之祇

靈深至於江海之龍怪凡有情狀者亦莫不口聞欽嚮

聲諷說口使之然哉彼以典教則口行有止此以神化
故其運無方也以是觀之則所謂阿育王役鬼神以佛
舍利爲八萬口千寶塔其在中國者一十而惠明居其
一亦奚足異哉惠明之建雖始於隋之仁壽而舍利子
之至中國則不知自何代更若干年也然自隋唐五代
以至 我有宋凡四百餘口口口雖時變代易人口天
災而舍利之神異終不口口口於既壞而復興已楚而
復建則佛之在相者尙或如此則其法身非相金剛不
壞者宜如何也竊惟 我太祖皇帝以天授人與既來
四方矣而劉氏獨阻太口當是時舉天下之力以定一
國宜無不克者而承鈞以漢祀爲辭則終其身爲之不
加兵至于繼元迷不知變 我太宗皇帝親討不享城
雖垂拔猶且力拒口爲口却師以開其降遂脫一國之
民死則 我一祖 一宗之至德深仁亦曠古之所罕
見者也口 我有宋國祚之長遠雖與佛日照臨於無
窮豈不宜哉惠卿口口平日嘗以佛書洗其心因得造
華藏之真遊覲金光之妙相則於其教像宜所稱讚以
開未悟而酬大恩而又口口口口緩斯民 當使之知
我有口口口口口口生之造不翅如天地父母則欣戴
樂推雖歷千萬世而不斁者故其知也故因惠素之請

樂爲之敘其本末而以詩口之其辭曰

大道微妙含虛空 其大無旁小無中 西方有聖維

大雄 其性如是相亦充 聲教非特文軌同 幽顯

環嚮逮天龍 金身未滅本非終 舍利傳布流無窮

阿育寶塔非世工 八萬四千口穹隆 世間之智

有育龔 誰知此相與理融 惠明隋室初建崇 舍

利來至知何從 歷唐五季時口口 逢辰泰定此亦

通 問誰相繼揚真風 惟 我有宋 祖與 宗

太原形勢控胡戎 唐俗猶在其邑豐 承鈞哀祈全

故封 捨置度外開涵容 繼元拒守迷不恭 矜脫

屠戮麾臨衝 瑞光口口口口 既壞復立益以穹

佛日發汝多生蒙 君天賜汝再造功 悲慈憫仁

均口口 嗟汝勿口口口忠

元豐八年八月初一日建 太原口貺摸刻

按此碑撰者呂惠卿宋史姦臣傳惠卿累以資政

殿學士知延州丁母憂元豐元年加大學士知太

原府將使仍鎮鄜延坐斥知單州明年復知太原

此碑立于元豐八年是復知太原時也惠卿小人

文與字皆不足存今錄于此者亦楚禱杌垂誠之

義耳

錢拜

大德 愛與字 俗不 且平 全 爲 年 以 首 亦 禁 蘇 蘇 蘇 蘇

大德 世 蘇 蘇 年 亦 豐 大 年 且 蘇 蘇 大 思 蘇 山 蘇 蘇 蘇 蘇

蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇

蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇

蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇

蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇

蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇

蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇 蘇

